

AB

23460

00
Kia

784

! M

8

Q
Q
L
n
S
c
H
Q
H
C
C
Q
S
K



Quam liber hic dulcis nobis
erumpit in undas!

Quam fluit hic gratis Anxio
amoenus aquis.

Si mille inferni crucient
mea pectora curis
non alio cupiam fonte levare
sitim.

Scilicet hic Christum
video de Virgine natum
cum patre eterno qui Deus
ipse manet,

Hic et in atroci patiens cruce
cernitur illam.

Qua fuerat mundi morte paranda
Salus

Hic etiam in Coelum ascendens
redivivus, ut illi.


Cultores possit semper habere
suos

Christe tuum vatem coelesti
cinge corona.

Qui Tua si digno carmine
facta canit.

Christe Veni, Dilecte veni.
Sperantibus in Te, quam
promisisti coelitus afer opem.

Ant. Brallius.



HYMNOLOGIA
SACRA.
Sive
DECADES OCTO
HYMNO-
RUM,

Quarum
Quatuor priorum
plerosque
Melodiâ & Rhythmo
conformi

GERMANICIS

Latinos fecit:

Reliquas quatuor Decades
collegit,

& partim recensuit

JACOBUS HENRICUS
PAULLI, SIM. F.

HAFNIÆ, A. O. R. MDCXCIIIX.
Typis VIDUÆ Joh. Phil. Bockenhoffer.
Prostat apud JOH. JUST. ERYTRO-
PHYLUM.

L. 105



Imprimantur
H. BORNEMANN D.





*NOBILISS. ET EXPE-
RIENTISS.*

VIRO,

DN. SIMONI

CORFINIO,

MED. DOCT.

**ET PRACTICO HAM-
BURGENSI,**

**THEOLOGI FILIO,
NEPOTI,**

ET

**SIMONIS PAULLI,
SVERINENSIS,**

**THEOLOGI SUI TEMPORIS
EMINENTISS.**

PRONEPOTI DIGNISSIMO,

ET AB ILLIUS PROGENIE

CONSOBRINO MEO CARISSIMO,

QVEM INSIGNI PIETATE

PRÆDITUM


SEMPER INTELLEXI,

SEMPER A PUERO AMAVI,

HAS CANTILENAS SACRAS,

A 2

IDIO-



IDIOMATE ET RHYTHMIS
LATINIS
PARTIM A ME VESTITAS,
PARTIM ALIUNDE COLLECTAS,
TANQVAM PRÆTERMISSOS
PRÆTER. TEMPORIS
MUTUÆ NOSTRÆ BENEVOL.
FRUCTUS,
HONORIS ET AMORIS ERGO
L. M. Q.
DO, DICO, CONSECRO.

JAC. HENR. PAULLI,
SIM. M. FIL.

PRÆ-

PRÆFATIO.

Pie & Candide
LECTOR,



vos hæc habes, Quin-
que priorum Decadū
Hymnos, quandoqui-
dem eos ferè omnes
lingvâ Germanicâ, mihi vernaculâ,
ab ineunte adolescentiâ memoriter
tenui, & in diversis meis itineribus,
qum nemora & silvas transirem,
nocturno præsertim tempore, can-
tillando subinde repetere consuevi,
in Latinum sermonem convertendi
non alia quàm hæc ipsa fuit occasio.

Nec tempus sanè magis idoneum
sacris hisce Meditationibus invenire
unquam potuissem. Tabernas enim
diversorias ingressus chartæ illôs
committebam, & in reliquâ deinde
viâ, ad eosdem recolendos, quin &
emendandos ac poliendos, otii ha-
bebam plus satis. Qumq; primus
eorum, quem *Anniversarium* in-
scribo, ob metri istius Trochaici,

A 3

quod

PRÆFATIO.

quod fortè elegeram, peculiare concinnitatem, ex sententiâ successisset, mox cum sequenti, qui in *Nativitate Christi* cantari solet, cuiq; multum artis Poëticæ inesse statuo, feci periculum, non minori cum facilitate iisdem & numeris & rhythmis utendo. Inde paullatim ad alios accessi, & feliciter absolvi. Sed in illis, quos metro Sapphico sine elisionibus expressi, & paucissimis aliis, rhythmos superfluos esse demum adverti.

Ostenderam, ut ferè fit, laborem hunc Amicis quibusdam meis, & inter alios Clarissimo DN. JOACHIMO HENNINGES, Con-Rectori Scholæ Hamburgensis, qui pro veteri nostrâ consuetudine, non novum hoc esse opus monuit, mihiqve *M. Wolfgangi Ammonii Franci* libellum *Odarum Ecclesiasticarum*, Lipsiæ A. C. MD LXXIX: impressum exhibuit. Statim verò mecum observavit, Auctorem hunc, in evitandis elisionibus omnibus, nimis diligentem, nullas propemodum, valdè tamen in hujusmodi Carminum generibus necessarias cæsuras, & in fine rhythmorum multa dissyllaba & monosyllaba, ubi ne quidem
opus

PRÆFATIO.

opus erat, adhibuisse, ita ut omnem
suavioris soni gratiam quibusdam in
locis penitus perdiderint, ne de
phraseologiâ depravatâ, & sensûs
obscuritate, quorum utrumque in
versione ipsius non rarò occurrit,
quid dicam: optimos Viri conatus,
& operosissimum sibi novem anno-
rum laborem, quod ipsemet fatetur,
LXVI. circiter Odis impensum, de
cetero magni æstimans.

Inprimis autem, quæ in Epistolâ
suâ Dedicatoriâ, de *mirificâ Psalmo-
rum, Hymnorum, & Canticorum
spiritualium, in animos & corda au-
dientium* (addo etiam *canentium*)
penetratione, & de causis instituti sui
affert, nimirum: *Ut exteris, qui
Germanicæ lingvæ usum non habent,
inserviat; simulque confessio & do-
ctrina Ecclesiæ nostræ, quam LU-
THERUS instauravit, toti mundo
pateat*, maximè mihi probantur, &
incitamento fuerunt, ut ad Exem-
plum PH. MELANCHTONIS,
qui *G. Thymæi* incomparabilem i-
tam Odam:

*Aufer immensam, DEUS, aufer
iram, correxit, & utriusque nomine
publici juris facere nullus dubitavit;*

PRÆFATIO.

non solum à me Latinitati donatas, sed & aliorum Auctorum, & veteris Ecclesiæ Cantilenas sacras, & translationes, quarum aliquot præterea emendavi, in unum fasciculum per Decades congestas, eundem in finem typis exscribi permiserim: non verò ut eadem operâ, præter privatam Amicorum approbationem, gloriolam aliquam inde captarem, sed potissimum, quod quidem ex animo & verè affirmit, ad Pietatem excitandam, quæ fructu suo, & præsentissimâ rebus in adversis consolatione nunquam caruit.

Ex Anglia nuper in Daniam redux factus, offendi fortè Hafniæ, apud Virum Clarissimum M. JOH. JAC. LANGIARIUM, ejusdem argumenti alium *Georgii Galli Chrudimeni* librum, titulo: *Mysticorum Psalmorum & Odarum* cum Ecclesiasticis quibusdam Hymnis LUTHERI, quos in Latinum idioma transtulit, Noribergæ A. C. M DC XXXI. excusum, quem postquam totum percurissem, non feliciori quàm *Ammonii* venâ elaboratum deprehendi, ita, ut quum omnibus diligenter perpensis, tres
so-

PRÆFATIO.

solummodò ipsius Odas, quas *Decadi quinta* inserui, emendandas mihi proponerem, vix totidem lineas inde retinere, interdum etiam nec sensum capere, nec omnes barbarissimos intelligere potuerim; cui difficultati, vel potius obscuritati, excusationem prætexit *lingua Teutonica* & miram rotunditatem, & *monosyllabicam* gravitatem, quâ in parte eam vix aliam superiorem habere arbitratur. Quod quidem verum esse, egomet ipse experientiâ doctus sum. Ex *Ammonio* autem Psalmos & Hymnos undecim selegi, & simul correxi, quos in *Decade tertiâ* & *quartâ* invenire licet.

Si quis interea, hoc meo exemplo, vel novas versiones Latinas, harum similes, aliasve Odas hisce superaddere, vel supra memoratos *Ammonii* & *G. Galli* Libros integros aliquando recensere voluerit, is rem faciet, ut ego opinor, DEO, Ecclesiæ, Proximo, & *Germanicæ loquela* imperitis, gratam simul & proficuum; laude quoque, si velit, dignissimam.

VALE.


*In Hymnologiam
Sacram*

**JAC. HENR.
PAULLI.**

Carmina sacra quidem multi ser-
mone Latino
Vertere tentarunt. Nam pius
iste labor:
Difficilisq; simul. Sed eorum ne-
mo paravit
Hanc laudem, PAULLI, quam
tua vena tibi.
Maacte novâ virtute, novis quæ vivet
in Hymnis!
Nec majora potes reddere do-
na DEO.

f.

**JOH. TRELUN-
DIUS.**



DE-




DECADIS PRIMÆ
HYMNORUM

- I. Adjuvate me supremi.
- II. Descendo summiâ fiderum. *V. 13*
- III. Quæ fuit, JESU bone, tam severi.
- IV. CHRISTUS necis severæ.
- V. Svavissimo meo.
- VI. Quisquis DEO confidit.
- VII. O CHRISTE JESU, nescius.
- VIII. Vitæ meæ quum sensero.
- IX. O CHRISTE, qui verissimus.
- X. Hoc CHRISTUS ipso tempore.

DECADIS SECUNDÆ
HYMNORUM

- I. Hoc ego te nunc celebrabo mane.
- II. O CHRISTE, sempiterni. *V. 1*
- III. O CHRISTE JESU gratiæ. *V. 8*
- IV. Sed quò recurrerem.
- V. O Numen optimum.
- VI. Nil Mundus efficit.
- VII. Nunc offeramus omnes. *V. 5*
- VIII. Tot laudes tibi debitas.
- IX. O CHRISTE, mundum illumin. *V. 1*
- X. Dum sumus superstites.

ORATIO DOMINICA.



DECADIS TERTIÆ
HYMNORUM

- I. Hic sanctus est Decalogus.
- II. CHRISTUS ad beata ductor.
- III. E morte suscitatum.
- IV. CHRISTUS polos revisit. *V. j.*
- V. Sanctum rogamus Spiritum. *Tot.*
- VI. Præsto sit Pater DEUS. *V. 3*
- VII. Jam DEum beemus.
- VIII. Sit summa laus summo DEO.
- IX: Circumdatus angoribus.
- X. Cur amas tantum mea mens dolere.

DECADIS QVARTÆ
PSALMOR. DAVIDIS

- I. O potens rerum DEUS. *Psal. 5. 1. 7.*
- II. DEUS supreme respice. *Pf. 12. Tot*
- III. Qvis incolet tuum, DEUS. *Pf. 15. X*
- IV. Qvæ nos qveunt discrimina. *Pf. 23. X*
- V. More Cervi, qui strepentis. *Pf. 42. X*
- VI. Arx firma noster est DEUS. *Pf. 46. X*
- VII. Nobis benignus sit DEUS. *Pf. 67. X*
- VIII. Sit Parens rerum mihi. *Pf. 103. X*
- IX. Nisi DEUS persisteret. *Pf. 124. X*
- X. Audi profundo pectore. *Pf. 130. X*

DECADIS QVINTÆ
HYMNORUM.

- I. Veni Redemptor Gentium. *1. 7*
- II. Idem: Nunc gentium Redemptor. *V. 7*
- III. Cœlitus phalanx sacrata.
- IV. A Solis ortûs cardine.

V.

V.
VI.
VII.
IX.
X.

I.
II.
III.
IV.
V.
VI.
VII.
IX.
X.

I.
II.
III.
IV.
V.
VI.
VI.
IX.
X.




- V. *Idem*: Quà Sol recludit cardinem.
 VI. Veni maxime Spiritus. *T*
 VII. *Idem*: Veni sis, bone Spiritus. *T*
 VIII. Veni Creator Spiritus. *T*
 IX. *Idem*: Sancte Spiritus Creator. *T*
 X. Serva DEUS verbum tuum.

DECADIS SEXTÆ
 HYMNORUM

- I. Dies est lætitæ.
 II. Herodes, hostis impie.
 III. Patris Sapientia.
 IV. CHRISTUS pro nobis passus est.
 V. Vita Sanctorum, decus Angelorum.
 VI. Spiritus Sancti gratia. *T*
 VII. O Lux beata, Trinitas. *V. 1*
 VIII. CHRISTE, qui lux es & dies. *V. 1*
 IX. Aufer immensam, DEUS.
 X. Jam mœsta quiesce.

DECADIS SEPTIMÆ
 HYMNORUM

- I. Conditor alme siderum. *V. 1*
 II. Rex CHRISTE, factor omnium.
 III. Ad Agni cœnam providi.
 IV. Festum nunc celebre.
 V. Quod chorus vatum.
 VI. Fit porta cœli pervia. *V. 2*
 VII. Æternæ gratias tibi. *V. 7. 8.*
 VIII. Æterno Patri gratias. *V. 4*
 IX. Dicimus grates tibi. *V. 1. 2*
 X. Me satis nondum scio præparatum. *V. 8*



DECADIS OCTAVÆ
CANTICORUM

Veteris Ecclesiæ

- I. JESU dulcis memoria. *V. 15. 20*
- II. Salve cordis gaudium.
- III. Puer natus in Bethlehem.
- IV. Resonet in laudibus.
- V. Corde natus ex Parentis. X
- VI. Surrexit CHRISTUS hodiè.
- VII. Canticum B. MARIÆ.
- VIII. Canticum ZACHARIÆ.
- IX. Te DEUM laudamus.
- X. Rex tremendæ Majestatis.

Pag. 123. Tot.

P. 124. Tot.


P. 141. Tot.

P. 150. V. 7.

P. 166. V. 16.

Pag. 169. 170

V. G. 8.



IN-

I N D E X

Hymnorum Germanicorum in versus & Rhythmos Latinos translatorum.

- A**ch Gott vom Himmel sieh darein.
DEus supreme respice. Dec. IV. 2.
Auf meinen lieben GOTT.
Svavissimo meo. Dec. I. 5.
Aus tieffer Noth.
Audi profundo pectore. Dec. IV. 10.
Christ der du bist der helle Tag.
O Christe mundum illuminans. D. II. 9.
Christ fuhr gen Himmel.
Christus polos revisit. Dec. III. 4.
Christ ist erstanden.
E morte suscitatum. Dec. III. 3.
Christ lag in Todes Banden.
Christus necis severæ. Dec. I. 4.
Christe der du bist Tag und Licht.
Christe, qui lux es & dies. Dec. VI. 8.
Christum wir sollen loben schon.
A Solis ortus cardine. Dec. V. 4.
Christus der uns selig macht.
Patris Sapientia. Dec. VI. 3.
Der du bist drey in Einigkeit.
O lux beata Trinitas. Dec. VI. 7.
Der Heiligen Leben.
Vita Sanctorum. Dec. VI. 5.
Der Tag der ist so freudenreich.
Dies est lætitiæ. Dec. VI. 1.
Des H. Geistes Gnade groß.
Spiritus Sancti gratia. Dec. VI. 6.
Dis sind die H. Zehn Geboth.
Hic sanctus est Decalogus. Dec. III. 1.
Ein

I N D E X.

- Ein feste Burg ist unser GOTT.*
 Arx firma nostræ est DEUS. Dec. IV. 6.
- Ein Kind gebohrn zu Bethlehem.*
 Puer natus in Bethlehem. Dec. VIII. 3.
- Erhalt uns HERR bey deinem Worth.*
 Serva, DEUS, Verbum tuum. Dec. V. 10.
- Erstanden ist der Heilige Christ.*
 Surrexit Christus hodie. Dec. VIII. 6.
- Es ist gewißlich an der Zeit.*
 Hoc Christus ipso tempore. Dec. I. 10.
- Es wolt uns GOTT genädig seyn.*
 Nobis benignus sit DEUS. Dec. IV. 7.
- Gelobet sey der HERR, der GOTT Israël.*
 Benedictus Dominus, Deus I. D. VIII. 8.
- GOTT der Vater wohn uns bey.*
 Præsto sit Pater DEUS. Dec. III. 6.
- GOTT sey gelobet, und gebenedeyet.*
 Jam DEUM beemus. Dec. III. 7.
- Helff mir GOTTES Güte preysen.*
 Adjuvate me supremi. Dec. I. 1.
- HERR Christ der einig GOTTES Sohn.*
 O Christe sempiterni. Dec. II. 2.
- HERR GOTT dich loben wir.*
 Te DEUM laudamus. Dec. VIII. 9.
- HERR hör wen ich wil bitten dich.*
 O potens rerum DEUS. Dec. IV. 1.
- HERR JESU Christ du höchstes Guth.*
 O Christe JESU gratiæ. Dec. II. 3.
- Herr JESU Christ ich weis gar woll.*
 O Christe JESU, nescius. Dec. I. 7.
- HERR JESU Christ wahr Mensch und GOTT.*
 O Christe, qui verissimus. Dec. I. 9.
- HERR wer wird in der Hütten dein.*
 Quis incolet tuum DEUS. Dec. IV. 3.
- Hertzliebster JESU, was hastu verbrochen.*
 Quæ fuit, JESU bone. Dec. I. 3.

Hörz

Hörz
 Ja
 JESU
 S
 JESU
 C
 JESU
 C
 In d
 H
 Kom
 V
 Mein
 M
 Mit
 I
 Nich
 C
 Nun
 S
 Nun
 V
 Nun
 I
 Nu
 S
 O
 O
 O
 Sey
 Vo
 Vo

I N D E X.

- Hört auf mit trauren und klagen.
 6. Jam mœsta quiesce. Dec. VI. 10.
 Jesu meines Hertzens Freud.
 3. Salve cordis gaudium. Dec. VIII. 2.
 Jesus Christus unser Heyland.
 10. Christus ad beata ductor. Dec. III. 2.
 Jesus Christus wahr GOTTes Sohn.
 6. Christus pro nobis passus est. Dec. VI. 4.
 In dieser Morgenstund wil ich dich loben.
 10. Hoc ego te nunc celebrabo. Dec. II. 1.
 Kom GOTT Schöpfer Heil. Geist.
 7. Veni Creator Spiritus. Dec. V. 8.
 Meine Seel erhebt den Herrn.
 18. Magnificat anima mea. Dec. VIII. 7.
 Mitten wir im Leben sind.
 Dum sumus superstites. Dec. II. 10.
 Nicht so traurig, nicht so sehr.
 Cur amas tantum. Dec. III. 10.
 Nun bitten wir den Heil. Geist.
 Sanctum rogamus Spiritum. Dec. III. 5.
 Nun kom der Heyden Heyland.
 Veni Redemptor Gentium. Dec. V. 1.
 Nun laß uns GOTT dem HERren.
 Nunc offeramus omnes. Dec. II. 7.
 Nun lob meine Seele den HERren.
 Sit Parens rerum mihi carum. Dec. IV. 8.
 O GOTT du frommer GOTT.
 O Numen optimum. Dec. II. 5.
 O Jesu süß wer dein gedenckt.
 Jesu dulcis memoria. Dec. VIII. 1.
 Sey Lob und Ehr mit hohem Preys.
 Sit summa laus summo DEO. Dec. III. 8.
 Vom Himmel hoch da komm ich her.
 Descendo summâ siderum. Dec. I. 2.
 Vom Himmel kam der Engel Schaer.
 Cœlitus phalanx sacrata. Dec. V. 3.


Wär

I N D E X.

- Wär GOTT nicht mit uns diese Zeit.*
Nisi DEus persisteret. Dec. IV. 9.
- Was fürchtestu Feind Herodes sehr?*
Herodes, hostis impie. Dec. VI. 2.
- Was frag ich nach der Welt.*
Nil Mundus efficit. Dec. II. 6.
- Was kan uns kommen an für Noth.*
Qvæ nos qveunt discrimina. Dec. IV. 4.
- Was Lobes solln wir dir.*
Tot laudes tibi debitas. Dec. II. 8.
- Wenn mein stündlein verhanden ist.*
Vitæ meæ qvum sensero. Dec. I. 8.
- Wen wir in höchsten Nöthen seyn.*
Circumdatus angoribus. Dec. III. 9.
- Wend ab deinen Zorn.*
Aufer immensam, DEus. Dec. VI. 9.
- Wer nur den lieben GOTT läßt walten.*
Quisqvis DEO confidit. Dec. I. 6.
- Wie nach einer Wasserquelle.*
More Cervi, qvi strepentis. Dec. IV. 5.
- Wo soll ich fliehen hin?*
Sed qvò recurrerem? Dec. II. 4.



DE-



DECAS PRIMA
HYMNORUM GER-
MANICORUM

translatorum à J. H. P.

I.

Hymnus Anniversarius

Helff mir GOTTes Güte preysen.

Metro Trochaico dimetro: *dicolo.*

ἠεὶ φερεικῶς.

I.

A Djuvate me supremi
Numinis benignitatem
Prædicare, quotquot estis,
Flosculi primæ juventæ:
Gratias agamus illi
More quovis, sive cantu,
Sive lætis plausibus.



Singulis quidem diebus,
Et per omne tempus, illud
Nos deceret, sed sub anni
Exitum magis, redire

Qvan-

7.4.

.

9.

5.

000

E.



Quando s̄vevit Sol in orbem,
Ecce, jam redit, simulqve
Annus instat proximus.

2.

Seriò consideremus,
Qvas DEus nobis ab alto
Misit in sinum, perennis
Gratiæ largitiones,
Divites, easqve nullo
Fine: Non est negligendum
Pignus hoc Clementiæ.

s o s

Sed nec unqvam mente nostrã
Deleantur, hoc in Anno
Omnibus nobis abundè.
Qvas dedit necessitates,
Ille nos protexit omnes,
Ille nos deliberavit
Prorsus à periculis.

3.

Upiuscujusqve sortem,
Conscientiam, fidemqve,
Cum Scholis, aras, focosqve,
Pace constanti beavit,
Nosqve nutrit, suumqve
Fecit exstitisse victum
Singulis ætatibus.

s o s

Nec manu collata parcã
Istiusmodi fuère
Dona, qvippe nos obumbrans
Pervigil noctes diesqve,
Nec domus nostras, nec Urbes,
Qvodqve quisqve possidemus,
Interire passus est.

4. Ille

4.

Ille commotus paternâ
 Charitate, sponte nobis
 Immerentibus pepercit.
 Ceterùm, si ponderari,
 Et pari peccata poenâ
 Debuissent affici,

o o o

Jam diu nos occupasset
 Sæva mors, & mille totos
 Damna nos jam perdidissent,
 Pessimis iniquitatum
 Sordibus contaminatos,
 Et gravissimis probrorum
 Impeditos vinculis.

5.

Ille nos indefinenter,
 Optimi Parentis instar,
 Diligit, favetqve nobis,
 Dummodò peccare tandem
 Desinamus, idqve fiat
 Corde verè pœnitenti,
 Inqve Christum credimus.

o o o

Quin nec illibenter idem
 Improbis, & absqve fucò,
 Debitum remittit omne,
 Atqve poenâ mitigatâ,
 Ipse vult adesse præfens
 Rebus adversis, opemqve
 Ferre succumbentibus.

6.

Tam frequenter erogatas
 Has tuas benignitates,
 Insuper tui quod istud
 Filii nobis amore

Lar-

Ille

Largiaris omne gratis,
O Pater, cœli Monarcha,
Prædicamus maximè.

∞ 0 ∞

Fas adhuc sit hoc precari:
Auream servare pacem,
Hujus & velis per Anni
Circulum cunctos tueri,
Ne quid accidat sinistri,
Et cuique des quod optat,
Ac beatè vivere.

II.

In Nativitate Christi.

Vom Himmel hoch da komm ich her.

Metro Jambico dimetro: *monocolo.*

1.

Descendo summâ siderum
Domo, bonumqve nuncium
Apporto. Magnâ copiâ
Nova audietis cetera.

2.

Hac luce natus parvulus,
Castæ Mariæ Filius,
Est ille, qui vult intimo
Vos recreare gaudio.

3.

Christus, DEUS ter optimus,
DEUS ter idem maximus,
Qui venit, ut vos adjuvet,
Et noxios absolveret.

4.

Affert salutem œclitûs
A Patre vobis omnibus,

In

In nostro ubi consortio
Vivetis omni seculo.

5.

Ad signa nunc attendite,
Præsepe, & hæ sunt fasciæ,
Quæ continent infantulum,
Totius Orbis Arbitrum.

6.

Proinde læti possumus
Intrare cum Pastoribus.
Gratissimum spectaculum
DEI, videmus Filium.

7.

Præsepe at illud occupat
Quisnam Puer? desiderat
Nam cor meum: pulcherrimus
Est JESUS, & dulcissimus.

8.

Salvebis Hospes inclite,
Gentis Redemptor pessimæ
Qui natus: à me gratias
Habebis hinc amplissimas.

9.

O res stupenda maximè,
In viliori gramine,
Quò Bos, quò Asellus pascitur,
Mundi Creator sternitur.

10.

Sit totus Orbis amplior,
Gemmis & auro clarior
Vel millies, vix parvula
Forent tibi incunabula.

11.

Tu Rex es augustissimus;
Et omnium ditissimus,
Fœno tamen, ceu fasciis,
Et purpurâ, circumdaris.

12. Ut

In

12.

Ut esse verum intelligam,
Opes, honores, gloriam,
Non esse quod Tu postulas,
Qui tale quid non æstimas.

13.

Dilecte JESU, lectulum
Fac me Tibi purissimum,
Meo quiescens pectore!
Sic perpetim servabo Te,

14.

Tibique cum tripudio,
Summoque plenus gaudio,
Conabor usque cantica
Cantare quam suavissima.

15.

Grates Patri sanctissimo
Pro Filio sint unico,
Hunc Angeli lætissimum
Ferent quotannis nuncium.

III.

De Passione Christi.

Hertzliebster JESU, was hastu verbrochen?

Metro Sapphico, sine elisionibus.

1.

Quæ fuit, JESU bone, tam severi
Causa decreti? Tibi culpa qualis,
Aut tibi quodnam scelus imputatur,
Quid meruisti?

2.

Conspuunt sanctam faciem, pudendis
Te modis tractant, bene verberatus
Pungeris spinâ, datur hinc acetum
In cruce stanti.

3. Suint

3.

Sunt mei lapsus, (etenim fatebor,)
 Intimis & quod latet in medullis
 Crimen, ut, quos tu pateris dolores,
 Hos ego ferrem.

4.

Mira res, immò penitus stupenda,
 Plestitur Pastor quod oves patrarunt.
 Ipse pro Servis Dominus malignis,
 Ecce! necatur.

5.

Pro malis item bonus interire
 Debit: pœnis Homo liberari;
 Sed DEUS, summo veniens Olympo,
 Cœcere claudi.

6.

Totus, ah! totus vitiis abundo,
 Pessimæ vitæ specimen: proinde
 Exitus justæ foret ultionis
 Ignis Avernî.

7.

O Amor summus, favor & redundans!
 Gaudeo rebus tumidus secundis,
 Omnium, sed Tu pateris, malorum
 Victima factus.

8.

Magne Rex Regum, benefacta tanta
 Quis potest dignâ celebrare laude?
 Quis potest gratus satis esse: Nemo,
 Nemo profectò.

9.

Hoc meos sensus superat, nec ulla
 Res huic unquam similis reperta.
 Ergo quî tantum potui favorem
 Fortè mereri?

10.

Si tamen quicquam Tibi judicarem
 B Non

Non inacceptum, mihi pœnitenti,
 Effet, ut nunquam veteris redirent
 Semina labis,

11.

At meis illud minimè parari
 Viribus doctus, precor obsecroque,
 Spiritum recti Sapientiæque
 Ut mihi dones,

12.

Tunc tuum nomen venerabor, atque
 Te mihi, mundi titulis relictis,
 Semper exemplum statuam sequendum,
 Cetera spernens.

13.

Semper addictus Tibi, præparato
 Corde conabor mala ferre quæque,
 Quin & ipsius nihil æstimabo
 Spicula mortis.

14.

Hæc utut parvi pretii putentur,
 Non ferent à te facilè repulsam,
 Consules æqui potius bonique,
 Quod dare possum.

15.

Quum mihi, Jesu bone, largieris
 In tuo cœli folio Coronam,
 Tunc Tibi grato memoriqve carmen
 Pectore promam.

IV.

In Die Resurrectionis.

Christ lag in Todes Banden.

Metro Anacreontico : *monocolo.*

1.

Christus necis severæ
 In vinculis retentus

Sur.

Surrexit, atque vitæ
 Nobis perenne munus
 Dedit, proinde grates
 Lati DEO ferentes,
 Cantemus *Haleluja* :

Haleluja!

2.

Mortem domare nemo
 Mortalium valebat,
 Sed nullus orbe toto
 Omni probro vacabat.
 Mors hinc repente venit,
 Cunctos simulque fecit
 Regni sui colonos.

Haleluja!

3.

JESUS tamen, Supremi
 Proles, fuit paratus,
 Omnes luitque mundi
 Nostro loco reatus.
 Mortisque stricta jura,
 Solâ manente formâ,
 Cum spiculis ademit.

Haleluja!

4.

Res est profectò mira
 Vitæ necisque bellum:
 Quò Vita, Morte victâ,
 Ab hâc refert triumphum.
 Scimusque, mors ut, unâ
 Ab alterâ voratâ,
 Sit tota facta lusus.

Haleluja!

5.

Paschalis agnus, ecce!
 Præceptus à JEHOVA,

B 2

Amo

Amoris urit igne,
 Crucis repostus arâ.
 Hunc monstrat, ante postem,
 Fides Neci cruorem:
 Nex nemini nociva.

Haleluja!

6.

Hoc est solemne festum,
 Quod maximo favore,
 Sol ipse, nempe summum
 Numen, sinit redire,
 Et corda nostra grato
 Suo serenat astro,
 Nox transiit malorum.

Haleluja!

7.

Veris fruamur ergo
 Nunc azymis, vetusta
 Fermenta nulla verbo
 Sint gratiæ remissa,
 CHristus cibus manebit,
 Mentemque sic replebit,
 Fides ut illud optat.

Haleluja!

V.

Ode Consolatoria.

Auf meinen lieben Gott.

Metro Jambico dimet. brachicatal.
 ultimis quatuor versib. Anacreontico:
Rhythmis rarioribus.

I.

SVavissimo meo,
 Afflictus, in DEO
 Fiduciam repono,
 Is extricare damno

Nam

Nam me potest ab omni
Manu suâ potenti.

2.

Licet nequissimus
Sim, nolo perdere
Spem, me sed applicabo,
Soliqve dedicabo

CHRISTO, dies per omnes,
Ipsâqve mortis horâ.

3.

Nec mors quid impedit,
Mihi sed emori
Lucrum perenne, certâ
CHRISTO manente vitâ.

Non ergo curo, iam nunc,
Vel cras obire mortem.

4.

O CHRISTE, mortue
Mortem gravissimam
Pro me, meâqve culpâ!
Salute comparatâ,
Mihi, piisque, coelum
Facis patere, cunctis.

5.

Benignus audias
Me supplicem, DEUS,
Et quum mori necesse,
Non desinas adesse.

Dextrâqve sublevare,
Et me beare coelo.

6.

Quocunqve tempore
AMEN, quod est *ita*,
Cum mente volvo. Rectâ
Nos semitâ gubernâ!
Nec Te, tuumqve Nomen
Laudare desinemus.

B 3

VI. A-

atal.
co:

Nam

VI.

Alia Ode Consolatoria.

Wer nur den lieben GOTT läßt walten.

Metro Jambico dimetro, hypercatale-
cto, & acatalecto: *dicolo.*

1.

Qvisqvis DEO confidit, omnes
Et spes opesqve consecrat,
Hunc ne premant adversitates
Miraculosè sospitat.
Et quisqvis illum amplectitur
Hic non arenâ nititur.

2.

Lamenta quid, gravesqve curæ,
Cor anxium suspiriis
Qvid nos juvabunt, siqve manè
Nos torqveamus singulis?
Nil, quàm quod ægritudines
Hinc augeantur indies.

3.

Parumper, euge! perferamus,
Et debitâ modestiâ
DEI potentis gaudeamus
Nos erigi Clementiâ.
Is, si quid est quod deficit,
Parens benignus prospicit.

4.

Is terminos felicitatis
Novit, regitqve providus,
Largitur & fidelitatis,
Nobis nec exspectantibus,
Constantiæqve præmia,
Vota ipsa transcendentia.

5. In-

5.

Insana quum fors intonabit,
 Ne te relictum cogites,
 DEoque gratum, qui putabit
 Æquare se jam cœlites.
 Nam quod videtur stabile
 Mutatur omni tempore.

6

Facit DEus, quos vult, beatos,
 Assentiens facillimè
 Depauperari fastuosos,
 Et pauperes ditescere.
 Est ille, qui nos evehit,
 Idemque, qui nos deprimat.

7.

In ore cantus sint, precesque,
 Restâque perge semitâ,
 Ut sit tibi præsens recensque
 Divina semper gratia:
 Nam qui DEum sic diligit
 Hunc ille nunquam deserit.

VII.

Pro Εὐθανασίας.

Herr JESU CHRISŦ ich weis gar wol.

Metro Jambico dimetro acatalecto &
 Anacreontico: *dicolo.*

I.

O CHRISŦE JESU, nescius
 Non sum, quod interire
 Oporteat, sed incius
 Sum, quomodo perire
 Et quando demum debeam,
 Hoc namque soli deferam
 Tibi, meoque fato.

B 4

2. Du-

In-

2.

Ductu tui sed Spiritus,
 In Te meum repono
 Solatium, quod unicus
 (Quò corde lætor ipso,)
 Factus Redemptor, omnia
 Et abluisti crimina,
 Regnumque comparasti.

3.

Hanc, CHriste dilectissime,
 Corroborare mentem
 Velis rogo, nec respue
 Te perpetim sequentem.
 Sed fac Tibi cohæream,
 Nec temet unquam deseram,
 Donec subibo Cœlum.

4.

Finem libenter optimum,
 Id si Tibi placeret,
 Habere vellem, Spiritum
 Meumque, quum recedet,
 Tibi, tuæque dexteræ,
 Verâ fide, committere,
 In lectulo recumbens.

5.

Sin me, latronum vulnere,
 Vel transcundo silvas,
 Vel pestilenti fidere,
 Vel igne, vel per undas,
 Vis avocare, judica
 Me, pro tuâ Clementiâ,
 Quam vivus invocavi.

6.

Errare sed si fecerit
 Me magnitudo morbi,
 Verbisque si peccaverim,
 Gesture non decenti,

Me.

Memento quod nil sciverim,
Culpæque quam commiserim
Haut amplius recorder.

7.

Da, me modestis moribus
Obire posse mortem,
Inter supremos halitus
Ne sentiam dolorem.
Tœdæ sed instar mortuæ
Exstingvar, inque sanguine
Lotus tuo recedam.

8.

Incertus omnis exitus:
Sed te nihil docebo,
Sectator usque sedulus
Verbi tui manebo.
Credamque vitæ Principem
Me præstiturum sospitem,
Mors sit vel hæc, vel illa.

9.

Hinc est, Tibi quod expetam
Me devovere totum:
Vitamque Te, nec alteram,
Velim, morique lucrum,
Qui certior certissimo,
Quod me die novissimo
A morte suscitabis.

VIII.

De extremâ mortis horâ.

Wenn mein Stündlein verhanden ist.

Metro præcedenti. Ὁ ἄφροσύνης.

1.

Vitæ meæ quum sensero
Jam mox adesse metam;

Me.

B 5

Et

Et evocatus scivero

Venisse mortis horam,
Me, CHriste JESU, respice,
Comesque fidus, sustine
Tum me periclitantem,

~ ~ ~

Vitalis auræ spiritum,
(Dum pergīt avolare,)

Tibi que per me traditum,
Fulcire non gravare
Eâ manu, quâ proteges
Illum, nec unquam negliges!
Sic spero, sic & opto.

2.

Tot actiones pessimæ
Me subruent dolore,
Morsusque conscientiæ
Pessundabunt timore,
Majoris ista ponderis
Arena quàm sunt æqvoris,
Si fortè computentur.

~ ~ ~

Meum tamen formidine
Pectus replere nolo,
Sed morte CHristi & sanguine
Corroborare malo.
Nam quæ tulisti vulnera,
Sunt, CHriste, tot solatia,
Tot recreationes.

3.

Membrum tui sum corporis,
Hinc corde lætor imo,
Curisque liber anxiis
Te neutiquam relinquo,
Optatus in gravissimis
Qui portus es periculis,
Quæ mors mihi minatur,

Nec

Nec illa, si me corripit,
 Me destruitque totum,
 Quid efficit, sed reddidit
 Me, jam Tibi dicatum.
 Tu, morte victâ, denuò
 Mihi dedisti mortuo
 Vitâ frui perenni.

4.

A morte quod surrexeris
 Non semper in sepulchro
 Manebo, sed me vinculis
 Ab hisce liberabo,
 Plenus tuæ fiduciâ
 Ascensionis, spicula
 Quâ mortis abstulisti.

S O S

Nam quò velis, te prævio,
 Statim venire possum.
 Eòque nunc me confero,
 Victurus usque tecum.
 Et hanc viam cum maximo
 Insisto certè gaudio,
 Paratus hinc abire.

5.

Sic est: abibo amplexibus
 Et brachiis apertis,
 Me donec augustissimus
 Judex vocabit Orbis,
 Valde quietè dormiens,
 Et, nemo me, non nesciens,
 Quod possit excitare,

S O S

Quàm Christus ipse, filius
 DEI, suis beatis
 Cælum recludens omnibus,
 Et ostium Salutis,

B 6

Quos

Quos inter & me transferet,
Meumque nomen inferet
Æternitatis aulæ.

IX.

In agone, & luctâ mortis.

HErr JESU Christ, wahr Mensch und Gott,

Metro Jambico dimetro acatalecto:
monocolo.

O ^{1.}CHRISTE, qui verissimus
Homo, DEique filius
Es, atque factus omnium
Ad usque mortem opprobrium!

^{2.}
Patri tuo non displicens,
Ex orbe sed nunc exiens,
Tuam, precor per vulnera,
Opem mihi non denega.

^{3.}
Videre quando desino,
Nec auribus plus audio,
Quum vox in ore, & anxiis
Cor cessat in præcordiis:

^{4.}
Quum mentis usus deficit,
Me quisque tandem deserit,
Salutis auctor, ultimis
Tunc adsis in periculis.

^{5.}
Me liberares ut carcere,
Mortisque de tyrannide:
Simul maligni Spiritus
Me vindices à fraudibus.

6. Men-

6.

Mentem tuæ sed dexteræ
Trado, solutam corpore,
Quod è sepulchro denuò
Surget die novissimo,

7.

Hanc tum mihi fac gratiam,
Ut te Patrono gaudeam,
Tecumque possim, crimine
Obliterato, vivere.

8.

Verbi tui sanctissimo
Nam fido testimonio,
Quod dicit: is qui credidit,
Amen, Amen, non interit;

9.

Nec me timebit Judicem,
Lethi perennis tramitem
Nec ibit, etsi mortuus
Existimetur omnibus,

10.

Quin addis: ista vincula
Rumpam manu fortissimâ,
Ut in polo longissimo
Mecum fruatur gaudio.

11.

Istius autem supplices
Nos redde voti compotes:
Omnemque culpam supprime,
Et præstolantes sustine!

12.

Tibi fideles ultimo
Ut obviemus termino,
Et offeramus prævium
Obdormientes Spiritum.

X.

De Die Novissimo.

Es ist gewislich an der Zeit.

Metro Jambico dimetro acatalecto, &
Anacreontico: *dicolo.*

1.

HOc CHristus ipso tempore
Qvô jam sumus, redibit,
Bonos, malos promiscuè,
Idemqve judicabit.
Tunc risus omnis desinet,
Qvum flamma quidvis auferet,
Sic annotante Petro.

2.

Clangor tubarum perstrepet
Totius Orbis oras,
Et mortuos mox extrahet,
Ut prodeant in auras,
Sed qui supersunt, ilicò,
Planè novo spectaculo,
Se sentient novari.

3.

Volumen inde maximum
Cuique prælegetur.
Qvod continebit omnium
Culpas, & audietur
Qvid quilibet commiserit,
Et quomodo peccaverit
Vitæ per omne tempus.

4.

Qvàm tum gement qui riserint
Verbum DEI sacratum,
Et unicè corraferint
Fluxas opes, & aurum.
CHristo procul, teterrima

Co.

Cogentur ire in tartara,
Et Inferum paludes.

5.

Jesu, juva tum temporis,
Ob vulnerum tuorum
Causam, quod horum & Indicis
Nomen meum librorum
Pars, ut mihi persvadeo,
Sit, hoste victo, debito
Prorsus solutus omni.

6.

Patronus ergo amabilis
Quando redibis esto!
Et ex tuo cum ceteris
Me, quaeso, nosce libro,
Ut tot quaeam cum fratribus,
Salute parta coelitus,
Illuc abire tecum.

7.

Sed es nimis novissimam
Cum luce, CHriste, tardus.
Spe tristis Orbis irritam
Videtur esse lassus.
Veni, veni, justissimae
Judex, ut afflictissimae
Genti detur levamen.

FINIS DEC. I.

DE-

DECAS SECUNDA HYMNORUM

translatorum à J. H. P.

I.

Hymnus matutinus.

In dieser Morgenstund will ich dich loben.

Metro Sapphico, sine elisionibus.

I.

Hoc ego Te nunc celebrabo mane
 O Parens rerum, Moderator
 Orbis,
 Et mihi quotquot benefacta confers
 Commemorabo.

2.

Ingredi vitam facis, & lavacro
 Me tuo mersum, bonus inter astra
 Collocas, quin & tuus omne crimen
 Filius aufert.

3.

Spiritu Sancto quoque muneraris
 Me, meas qui sic regat actiones,
 Ut tibi discam bene fidus esse,
 Teque vereri.

4.

Hactenus quantum satis est, paterno
 Semper affectu, mihi das, simulque,
 Si quid occurrit grave vel finistrum,
 Protinus arces.

5.

Proximâ saluum quoque me tuorum
 Nocte servavit Chorus Angelorum,

Ut

A Ut nec horrores, nova damna nec me
Evigilarint.

6.

M Gratus has clarâ, DEus alme, voce
Effero dotes, animoque toto
Tot tuæ mecum tacitus revolve
Munera dextræ.

7.

ben. Me, præcor porrò, tuearis, omnes
Et regas gressus hodiè, Tyrannum
Fac & humanæ procul esse gentis,
Sæva minantem,

8.

nanè
or Vita sit veri mihi Christiani,
Cujus exemplo, vitiis relictis,
Sanctior fiam, mala nec voluntas
Ulla supersit.

9.

o. Corporis vires, Animæ salusque,
Liberi, Servi, Domus, & Propinqui,
Quæque mortalem faciunt beatum,
Sint tibi cordi.

10.

Qvos in his terris Dominos supremos
Esse vis, serva, Patriæque pacem!
Ut suos curis agitet solutus
Quilibet annos,

11.

Hâc & ex voto fluat omne luce,
Quò tibi gratus manuum mearum
Sit labor, lætus, Tibi præter omnes,
Possè placere,

12.

Ut Hora quum mortis venerit deinde,
Una mors CHRISTI mea cura, faxit,
Ipsius fretus meritis, ut intrem
Limina cœli.

13. Tune

13.

Tunc potest sanis comes ire membris
 Sana mens, terras miseris relinqyens,
 In quibus frustra peto, quod brabæum
 Præbet Olympus.

14.

Hoc, Pater Gnati mihi des coævi,
 Spiritus cum quo sine fine regnat,
 Nec finas tot Te precibus rogantem
 Ferre repulsam.

II.

De personâ & officio Christi.

HErr Christ der einige Gottes Sohn.

Metro Anacreontico, & Jambico dimetro
 brachycatalecto: *dicolo.*

I.

O CHriste, sempiterni
 Parentis unica
 Proles, DEIque Fili,
 Ut sacra pagina
 Tradit! Salutis astrum
 Es, & magis serenum
 Quàm cuncta sidera.

2.

Homo caroque factus
 In fine temporis,
 Amabilisque fœtus
 In ventre Virginis,
 Ut enecando lethum,
 Et comparando cœlum,
 Vitam reduceres.

3.

Te nosse, teque amare,
 Infunde mentibus,

Fi-

Fideque comparare
 Fac dona Spiritûs!
 Gustemus ut favorum
 Dulcedinem tuorum,
 Sitim nec auferas.

4.

Creator alme rerum,
 Vis Patris enthea,
 Orbem per universum
 Regnansque propriâ
 Virtute, corda tange,
 Sensusque sic restringe,
 Ne fortè devient.

5.

Da quemque pœnitentem
 A morte surgere,
 Homo vetus recentem
 Sinatque vivere,
 Qui, donec hinc recedet,
 Heïc nil amet, nec optet,
 Te præter unicum.

III.

Ode Pœnitentialis.

HErr JESu Christ du höchstes Gut,

Metro ut supra Dec. I. 7.

1.

OCHRISTE JESU, gratiæ
 Fons, & bonum supremum!
 Pessundatum me respice,
 Doloribusque plenum,
 Circumferentem spicula,
 Quæ fauciant præcordia,
 Et conscium fatigant,

2. Hoc

2.

Hoc è medullis erue
 Pondus, mei misertus,
 Quod sustulisti dexterè
 Ligno crucis peremtus.
 Cum sempiternis planctibus,
 Et in meis criminibus,
 Ne cogar interire.

3.

Jam si peracti temporis
 Peccata mente volvo,
 Saxis velut gravissimis
 Oppressus extimesco:
 Quò conferam me nescius,
 Quin absque verbo perditus
 Miser tuo fuisset.

4.

Per illud autem novimus,
 Quod non sit imputandum
 Mœrore succumbentibus
 In Orbe quod remissum.
 Contrita porrò pectora
 Fide repleta, gratiâ
 Spondes tuâ foveri.

5.

Hôc (quod fatebar antea,)
 Sum numero, meorum
 Semperque conscientiâ
 Dum torqueor malorum,
 Omnino vellem sanguine
 Lotum tuo me cernere
 Ut David & Manasses.

6.

Flexo proinde poplite
 Te quæso, ne querelas
 Ejus, suæ dementiæ
 Quem tœdet, esse vanas

Per-

Per
Ignor

Rer

Vita

Ut c

Ac t

Virt

Sana

Et t

Æte

SE
SO

Et

Nor

O

JES

Permiseris, sed ilicò
Ignosce quæ peccavero
Primis meis ab annis.

7.

Rerum Parens, in nomine
Precor tuo, repellas
Vitanda quæque, turbidæ
Mentisque tot procellas;
Ut cor quiescat anxium,
Ac te colat Ter-optimum
Timore filiâli.

8.

Virtute Sancti Flaminis,
Me vulnerum dolore
Sana tuorum, sanguinis
Lavaque me liqvore,
Et transfer ad feliciam
Æterna regna cœlitum,
Quando Tibi placebit.

IV.

Alia Ode Pœnitentialis.

Wo soll ich fliehen hin?

Metro ut supra Dec. l. 5.

I.

SED quò recurrerem,
Qui sum gravissimis
Criminibus repletus?
Me Mundus universus,
Et quicquid est in illo
Non posset adjuvare.

2.

O plene gratiæ,
Jesu, (quod approbes,)

Tua

Tuæ benignitatis,
 Supplex, & æqvitatís,
 Malè conscius requiro,
 Modò guttulâ beari.

3.

Infans ego tuus,
 Exspes & anxius.
 Noxas meas repono
 In Te, tuisqve condo
 Vulneribus, mihiqve
 Hinc spondeo salutem.

4.

E fonte sanguinis
 Tui rosacei
 Tetros lava reatus!
 In hoc tamen beatus
 Sum, quod sciam remotos,
 Omnesqve suffocatos.

5.

Solator optime,
 Quum me redemeris,
 Peccata non redibunt,
 Defossa sed manebunt,
 Quandoquidem fuere
 Semel sepulta tecum.

6.

Si fortè maxima
 Mea est malignitas,
 Tuo cruore fretus
 Fio repentè latus,
 Non nesciens eandem
 Per Te mihi remissam.

7.

Quod porrò deficit,
 Id omne sanguine
 Tuo parare possum.
 Quò subjugare lethum,

Car-

Carne
Et DaExerc
IpsiusQui,
ConfO no
QuòA Sa
Et InQuap
O CQuar
JamSic c
Ut,Fac
Ut fAMI
E coNon
Can

Carnem meam rebellem,
Et Dæmonem licebit.

8.

Exercitus foret
Ipsius obviam

Vel totus: haut movebor,
Hostes nec hos morabor,

Qui, quum tuum cruorem
Conspexerint, tremiscunt.

9.

O nobilis cruor!

Quô nil potentius.

Perpurgat ille mundum,
Emancipatque totum

A Satanae furore,
Et Inferum barathro.

10.

Quapropter unice,

O CHriste, adhæreo

Tibi, tuâque factus
Hereditate dignus,

Quam morte comparasti,
Jam nescio perire.

11.

Sic cor regas meum,

Ut, Spiritus tui

Favore, non recedam

A Te, nec insolescam.

Fac corporisque membrum

Ut sim tui perenne.

12.

AMEN, quod est *ita*,

E cordis intimo

Depromo fonte. Rectâ

Me semitâ gubernâ!

Nomen tuumque semper

Cantare non quiescam.

V. Hym-

V.

Hymnus votivus.

O GOTT, du frommer GOTT.

Metro Jambico dimetro brachycatalecto
& Anacreontico rhythmico:
dicolo.

I.

O Numen optimum,
Fons omnium bonorum!
Est absque quô nihil,
Princeps origo rerum!
Concede corporis,
Et Conscientiæ,
Et mentis integræ
Beatitudinem.

2.

Cum diligentia
Quæ partium mearum,
Nec non alacriter,
Quod seris laborum
Requirit, indies
Fac, quæso, transigam,
Justoque tempore,
Itemque prosperè.

3.

Absint loquacitas,
Et verba dissoluta,
Lingvamque dirige,
Ut non sit imparata,
Si fortè debeo,
Virtute muneris
Mei, quid eloqui,
Utique pondere.

4. Sed

4.

Sed in periculis
 Constantiam virilem
 Largire, strenuè
 Perferre da dolorem
 Quemvis, & Hostibus
 Cunctis remittere:
 Sint & mihi parati
 Qui ritè consulant.

5.

Amicus omnibus,
 Quantumque Christianum
 Oportet, expeto
 Meæ tenere cursum
 Vitæ: Pecuniam,
 Opes nec abnuo,
 Quæ non nefariis
 Parantur artibus.

6.

Si porrò contigit,
 Quod mille per labores
 Virtute consequar
 Summos Senex honores,
 Da fortitudinem,
 Ut semper efferens
 Impunè verticem,
 Sim gratus omnibus.

7.

Quum cesso vivere,
 Fac illud esse Christi
 In morte: gloriâ
 Mentem frui perenni!
 Corpus reconditum,
 Et ossa, molliter
 Fac inter optimos
 Tumbâ quiescere!

C

8. Quum

Sed

8.

Quum quisque mortuus
 Prodibit è sepulchro,
 Die novissimo,
 Tunc & mei memento,
 Ut me resuscites,
 Interque gaudia
 Æterna, transferas
 Ad summa fidera.

9.

O alme Conditor
 Rerum, DEIque Fili,
 O CHriste, Spiritus
 Et Sancte, singulari
 Vos laude prosequar:
 O Sacra Trinitas,
 Hæc vota nuncupo,
 Has reddo gratias!

VI.

Ode Consolatoria.

Was frag ich nach der Welt.
 Metro præcedente, circulari.

1.

Nil Mundus efficit,
 Nil Orbis universus,
 Quodcunque postulo
 Hoc CHristus est læsus.
 Tu spes es unica,
 Tu recreatio,
 Optata tu quies.
Nil Mundus efficit.

2.

Fumus levissimus
 Est Mundus, Umbra, pulvis,

Qvæ

Quæ cuncta transeunt:
 Jesus meus perennis,
 Et verè ahenëus
 Est murus, optimâ
 Et arce fortior.
Nil Mundus efficit.

3.

Sectatur anxie
 Mundus novos honores,
 Omninò debiles:
 Sed quod meos labores
 Compensat, omnibus
 Rebusque præfero,
 Est Jesus unicus.
Nil Mundus efficit.

4.

Mundus pecunias
 Indefinenter optat,
 Opesque congerit:
 Thesaurus ille præstat,
 Quem corde condidi,
 Quem servo perpetim:
 Jesus videlicet.
Nil Mundus efficit.

5.

Mundus retunditur
 Rumore non secundo,
 Seseque macerat,
 Dum, præeunte Christo,
 Quævis gravissima
 Ferendo, perfruor
 Decore maximo.
Nil Mundus efficit.

6.

Mundus libidines
 Frequenter ante cœlum

C 2

Væ.

Væsanus æstimat.

O gaudium pusillum!

Qui vult adhæreat

Ipsi. Sed afficit

Me cura Numinis.

Nil Mundus efficit.

7.

Nil Mundus efficit.

Celerrimè peribit,

Et porrò neminem

A morte liberabit,

Omnemque gloriam

Opesque deteret

Quum CHRISTUS imminet,

Nil Mundus efficit.

VII.

Hymnus meridianus.

Nun laßt uns Gott dem Herren.

Metro Anacreontico: *monocolo.*

Nunc offeramus omnes

Cum gratiis honores

DEO, quod ex Olympo

Tot dona misit alto.

2.

Cum mente, corpus, ipsam

Nobis deditque vitam,

Et damna quæque summâ

Avertit inde curâ.

3.

Victum dat ille membris,

In sanitate mentis,

Lethale sed reatus

Nostri fuere vulnus.

4. Q

4.

Qui factus est medela,
 Existit ipse vita:
 CHRISTUS, Redemptor Orbis,
 Fons primus est Salutis.

5.

Baptisma, Cœna, Verbum,
 Commune sunt asylum,
 Quod Spiritus fideli
 In corde vult reponi.

6.

Peccata sunt per ipsum
 Remissa, vita rursus
 Oblata. Quanta verò
 Sunt dona? digna cœlo.

7.

Nos singulos proinde
 Custodias benignè
 Precamur, atque magnos
 Serves, simulque parvos.

8.

In veritate Numen
 Et prædicare Nomen
 Quò sint tuum parati
 Omnes, amore CHRISTI.

VIII.

Gratiarum actio.

Was Lobes sollen wir dir, ô Vater, singen?
 Metro Phaleucio rhythmico: *monocolo*.

1.

Tot laudes tibi debitas, quis aprâ
 Speraret, Pater, explicare lingvâ?

C 3

2. In

2.

In signum veteris tui favoris,
Tu confers benefacta summa nobis.

3.

Submerso Pharäone, pane vesci
Hebræos potuisse, tu dedisti.

4

Ut nos & doceamur inde, nulla
Jam nobis alimenta defutura.

5.

Immanes, DEus ipse, fortiori
Citthæos quoque brachio vibraſti.

6.

Quin fœdus simul est perenne tecum,
Quod quemvis memorem facit beatum.

7.

Nil verbo, Genitor, tuo verendum,
Nec justam magis est, magisque verum.

8.

Captivos redimis benignus omnes,
Cum prædâ meritos ferens honores.

9.

O Nomen, timor & tremor Virorum,
Cunctorum requies tamen piorum!

10.

Æternas Tibi gratias vovemus,
Quem nunquam celebrare desinemus.

IX.

Hymnus vespertinus.

CHRist der du bist der helle Tag.

Metro Jambico dimetro acatalecto:
monocolo.

I.

X O CHriste, mundum illuminans,
Et

Et noctis umbras dissipans,
Splendes Parentis fidere,
Lucis Sacerdos inclite!

2.

Hac nocte nos custodias,
Ne sentiamus machinas
Nequam truces nequissimi,
In Te, DEUS, tutissimi.

3.

Sint clausa quamvis lumina,
Aperta restent ostia
Cordis, tuæque dexteræ
Clementiâ nos protege.

4.

Quâ, CHRISTE JESU, retrahis
Ab inferorum Principis
Nos fraude, nobis subdola
Qui tendit usque retia.

5.

Tu nos tuæ jam possides
Hereditatis obsides,
Tui cruoris gratiâ,
Patris supremi pignora.

6.

Nobis tuum fac Angelum
Adesse, patrimonium
Tuum simul nos vindica
A Dæmonis potentiâ.

7.

Et in tuo sic nomine
Quiescimus, tutaminc
Sub Angelorum, maxima
Sit Trinitati gloria.

X.

Ode mortualis B. Lutheri.

Mitten Wir im Leben sind.

Metro Trochaico dimetro catalecto, & brachycatal. Jambico dimetro acatalecto, & hypercatal, *item* monometro hypercatal. & Anacreontico:
polycolo.

Rhythmis non observatis.

I.

Dum sumus superstites
Mors ubique praesens.
Qvis potest succurrere:
Gratiam qvis affert?
Tu, CHriste, solus ille!
Pudet tamen criminibus
Iram tuam mereri,
Sancte Rex JEHOVA,
Sancte praepotensqve,
Redemptor Orbis perbenigne,
Et sempiternae,
Ne sinas perire
Nos, oppetendo mortem!

Kyrie - Eleison!

2.

Illa dum nos occupat
Os Gehenna pandit.
Qvis potest nos perditos
Inde liberare?
Tu, CHriste, solus ille!
Nam cor tuum calamitas
Frangit dolore nostra:
Sancte Rex JEHOVA,
Sancte, praepotensqve,

Re-

Redemptor Orbis perbenigne,
 Et sempiternæ,
 Ne finas barathri
 Nos opprimi timore †

Kyrie - Eleison!

3.

Dum ferè succumbimus,
 Instat, ecce! culpa.
 Qvò licebit pergere,
 Aut ubi manere?
 Amice CHRISTE, tecum.
 Sanguis tuus sanctissimus
 Peccata cuncta delet.
 Sancte Rex JEHOVA;
 Sancte, præpotensqve,
 Redemptor Orbis perbenigne,
 Et sempiternæ,
 Ne finas abire
 Nos à fide misellos!

Kyrie - Eleison!

ORATIO DOMINICA

Metro Elegiaco.

Alme DEUS, nosterqve Pater, Cœliq;
 (Monarcha,
 Nostrum opus est Nomen sanctificare
 (tuum:
 Adveniat Regnumqve tuum: Fiatqve
 (voluntas,
 Qvâ spatium terræ, nec minus astra
 (patent:

C 5

Da

Da nobis hodiè panem : Peccata re-
 (mitte,
 Condonare aliis quâ ratione decet :
 Sit procul à nobis etiam tentatio quæ-
 (vis :
 Deniq; , quod superest, aufer & omne
 (malum !
 Nam regnum, Rex summe, tuum est, tua
 (gloria, virtus,
 Et te cuncta simul secla loquentur !
 A M E N.

FINIS DEC. II.

DE.

DECAS TERTIA
HYMNORUM

translatorum à W. AMMONIO,
sed emendatorum à J. H. P.

I.

De Decalogo

Dies sind die H. Zehn Geboth.

Metro Jambico dimetro acatalecto :
monocolo.

I.

Hic sanctus est Decalogus,
Quem tradidit nobis DEUS
In Sinai crepidine,
Servo Moïse interprete.

Kyrie - Eleison!

2

Solus JEHOVA sum tuus,
Non ponè me sit exterus,
Me profus uno nitere,
Et corde toto dilige.

Kyrie - Eleison!

3.

Immò DEI nec utere
Cum vanitate Nomine,
Et nulla facta prædica,
Præter DEI miracula.

Kyrie - Eleison!

4.

Sanctus dies sit Sabbathi,
Nihilque sit negotii
Tibi, tuisve, quàm DEO
Servire corde libero.

Kyrie - Eleison!

C 6

3. Pæc.

5.

Præstabis observantiam
 Matri Patriqve maximam,
 Illisque sic inservias
 Ut sit tibi longævitas.

Kyrie - Eleison!

6.

Iratus haut occidito,
 Tibi voluptas ultio
 Nec sit, sed esto commodus,
 Iplis benignus hostibus.

Kyrie - Eleison!

7.

Thorum tuum ne polluas,
 Sed semper adsit castitas,
 Constans pudor, modestia,
 Decensqve continentia.

Kyrie - Eleison!

8

Furare nec quid: fœnora
 Iniqua nec desidera,
 Qvin liberaliter manum
 Extende turbæ pauperum.

Kyrie - Eleison!

9.

Qvum testis es, non fallito,
 Mendacium nec spargito:
 Sis fautor innocentæ,
 Nec probra quæqve detege.

Kyrie - Eleison!

10.

Domum, pecus, vel Conjugem,
 Qvamecunqve rem vel utilem,
 Opes sibiqve proprias,
 A proximo non expetas.

Kyrie - Eleison!

11. Præ.

I I.

Præcepta sunt hæc tradita,
 Ut nostra prodant crimina:
 Et sic queamus vivere
 Coram DEO rectissimè.

Kyrie - Eleison!

I 2.

Hoc, CHriste, laudatissime
 Mundi Redemptor, effice!
 Nam facta nostra perdita,
 Irâque sunt dignissima.

Kyrie - Eleison!

II.

In festo Paschatos.

JESUS CHRISTUS unfer Heyland.

Metro Trochaico dimetro acatale-
 cto, & brachycatalesto, *item*: Jambico
 monom. hypercat. & Anacreon-
 tico: *quadricolo.*

I.

CHristus ad beata ductor,
 Mortis ipse victor,
 Resuscitatus

Est, auferens reatus. *Kyrie - Eleison!*

2.

Natus absque labe, diram
 Sustinens & iram,
 Resuscitatus

Est, auferens reatus. *Kyrie - Eleison!*

3.

Mors, nefas, Styx, vita, cœlum,
 Cuncta stant per illum:

C 7

Ab

Ab hoc beantur
Hinc quotquot hunc sequuntur,
Kyrie - Eleison!

III.

In eodem Festo.

CHrist ist erstanden.

Metro Anacreontico rhythmico:
monocolo.

E ^{1.} Morte suscitatum

Docemur esse CHristum.

Fas ergo jubilaré,

Vult ille nos beare Kyrie - Eleison!

^{2.}

E morte nî redisset,

Jam mundus interisset.

Hic nunc resuscitatus

Sit laude prædicatus. Kyrie - Eleison!

^{3.}

Haleluja! Haleluja! Haleluja!

Fas ergo jubilaré,

Vult ille nos beare. Kyrie - Eleison!

IV.

In festo Ascensionis Domini.

CHrist fuhr gen Himmel.

Eodem metro.

C ^{1.} Hristus polos revisit,

Nobis quid inde misit?

A Patre partum flamen,

Ecclesiæ levamen. Kyrie - Eleison! (ter.)

2. Ha-

2.

Haleluja! Haleluja! Haleluja!

Fas ergo jubulare,
Vult ille nos beare. *Kyrie - Eleison!*

V.

Ad Spiritum Sanctum.

Nun bitten wir den H. Geist.

Metro Jambico dimetro acatalecto, &
monometro hypercatalecto:
dicolo.

1.

Sanctum rogamus Spiritum,
Veram fidem det in DEum.
Servetque ritè
In fine vitæ
Nos exulantes
Et hinc migrantes: *Kyrie - Eleison!*

2.

Lux alma, nos illumina,
Jesumque solum prædica,
Adhæreamus
Ipsi, hoc eamus
Et ad paternas
Ductore terras: *Kyrie - Eleison!*

3.

Nobis, Amor dulcissime,
Amoris ignem suggere,
Totoque corde
Fac nos amare,
Pacem sequentes
Et excolentes: *Kyrie - Eleison!*

4.

Qui summus es Paraclitus;
Da ferre mortis impetus,

Ne

Ne viva mentis
 Vis cesset, Hostis
 Quum vult peractant
 Damnare vitam. *Kyrie - Eleison!*

VI.

In festo S. S. Trinitatis.

Gott der Vater wohn uns bey.

Metro Trochaico dimetro catalecto, &
 Anacreontico: *dicolo.*

1.

PRæstò sis, Pater DEus!
 Nec nos sinas perire
 Liberos criminibus:
 Pièqve fac obire!
 Protegas à Satana:
 Nos in fide tuère:
 In Teqve des locare
 Spem: Corde toto stare!
 Universâ cum piâ
 Cohorte Te seqvamus:
 Ab hoste retrahamur:
 Armis DEI tegamur!
 AMEN, AMEN, est *ita*:
 Et psallimus *Haleluja.*

2.

Præstò sis, Fili DEus!
 Nec nos sinas perire, *Ec.*

3.

Tuqve Sancte Spiritus!
 Nec nos sinas perire. *Ec.*

VII. Gra-

VII.

Gratiarum Actio
pro Sacramento Eucharistiæ.

GOTT sey gelobet, und gebenedeyet.

Metro Trochaico dimetro brachycatalecto, & acatalecto: *dicolo.*

I.

JAm DEum beemus,
Laude prædicemus,
Ipse qui suâ benignè
Carne nos cibavit,
Et cruore pavit;
Omnium faxit salute.

Kyrie - Eleison!

CHRiste, per corpus sacratum,
Ex Mariâ matre natum,
Per sacrum cruorem,
Tolle sis laborem. *Kyrie - Eleison!*

2.

Corpus hoc necari
Debit, parari
Possit hâc ut morte vita.
Dignius nec ullum
Qvivit esse donum
Mente qvod servetur altâ.

Kyrie - Eleison!

Testis est amoris iste
Sanguis, ô dilecte CHRiste,
Qvô sumus redempti,
Numiniqve grati. *Kyrie - Eleison!*

3.

Ergo singularem
Det DEus favorem,
Ejus ut viis feramur,

In

Inqve charitate,
 Et fidelitate,
 Hôc piè cibô fruamur.
Kyrie - Eleison!
 Spiritum tuum nec alme
 Auferas Parens, amicæ
 Sitqve Christianis
 Nexus unionis. *Kyrie - Eleison!*

VIII.

Oratio Dominica.

Sey Lob und Ehr mit hohem Preys.

Metro Jambico dimetro acatalecto, &
 Anacreontico: *dicolo.*

1.

SIt summa laus summo DEO
 Hâc pro benignitate,
 Gnato, Patri, Paraclito!
 Succedat hinc beatè
 Cœptum quod est nobis opus,
 Ad gloriæ suæ decus!
 Ejus celèbre Nomen:

2.

Regnum propinqvet: Quod volet
 Cœlo soloqve cedat:
 Panes diurnos usqve det:
 Ac debitum remittat,
 Perinde debitoribus
 Ut nos: Sed à conflictibus,
 Malisqve solvat! AMEN.

IX. In

IX.

In rebus angustis.

*Wan wir in höchsten Nöthen seyn.*J. H. PAULLI *Interpretæ.*Metro Jambico dimetro acatalecto :
*monocolo.*1.
Circumdatos angoribusQuandoquidem nos cernimus,
Nec scimus unde gentium
Habebimus solatium.

2.

Quod restat, ad te, mentibus
Junctis, preces effundimus,
Ut tu, DEUS fortissime,
Nos adjuves promptissimè.

3.

Verâque pœnitentiâ
Cum corde sursum lumina
Attollimus, ne punias
Nos, sed patrata deleas.

4.

Hoc est, quod invocantibus
Te, polliceris omnibus,
Qui nempe, CHRISTI nomine
Audent, quod optant, poscere.

5.

Hinc ante Te procumbimus,
Et maximas ostendimus
Calamitates, plurimis
Expositi periculis,

6.

Porro precantes, crimina
Non imputes gravissima,

Sed

In

Sed à malo nos supplices
Pœnisqve cunctis liberés.

7.

Ut gratias lætissimi
Agamus, addictissimi
Verbo tuo, per omnia
Laudemus & Te secula.

X.

Ode Consolatoria.

Nicht so traurig, nicht so sehr. &c.

J. H. PAULLI *Interprete.*

Metro Sapphico, sine elisionibus.

ᾠδὴ Σαπφικῆς.

1.

CUr amas tantum, mea mens, dolere,
Qvod DEus sortem dedit ampliolem,
Et gradus summos aliis, opesqve,
Nil tibi quicquam?

2.

An DEO niti satis esse nescis?
Non erit, qvod te magis adjuvabit.
Competit nobis nihil unïversum
Juris in Orbem.

3.

Civis hęc omnis novus est, & hospes:
Ædium si quis Dominus suarum,
Est DEus, qui, qvod volet, hūic & illi
Datqve dicatqve,

4.

Non es in terrâ, tibi gleba terræ
Ut bonum fiat proprium. Juberis
Ire plus ultra, potiusqve sursum
Tollere vultus.

5. Ce-

5.

Ceteris præstans ibi splendet aurum,
 Et perennantes ibi sunt honores,
 Sunt voluptates, ibi nec beatis
 Invidet ullus.

6.

Effet insanus, fore qui manipulum
 Gloriæ fictæ melius putaret
 A DEO dandis opibus, nec unquam
 Interituris,

7.

Qui potest nummos cumulare centum,
 Non repugnanter tribuit quadrantem,
 Interim, si vis, bona quæ vocantur
 Respice cuncta.

8.

Nil adest quod te, paribus sequatur
 Passibus, mundo subitò remotum,
 Conditus tristi tumulto relinques
 Omnia post te.

9.

Sed quod ætatem feret, atque transit
 Temporum casûs, animamque nutrit,
 Sangvis est Christi, Dominiqve dextra
 Omnipotentis.

10.

Hoc bonum firmum manet atque fixum,
 Nec, velut terræ bona, dissipatur,
 Integram sanctis animis sed affert
 Sponte salutem.

11.

Cæcus es, qui non Oculos, sagaci
 Mente, nec tantum decus intueris.
 Ecce, quàm digno patuère dono
 Lumina frontis!

12.

Calculum membri digitisque pone
 Siq-

Singulis, quæso: mihi dic deinde,
Num quod illorum mutilum, vel auro
Vendere velles?

13.

Intimos ergo refera recessus
Cordis, ut veram docearis artem
Nosse quot fructus capias ab alto
Quâlibet horâ.

14.

Qui maris quancquam superent arenam,
Nesciunt unquam saturare pectus
Turgidum, quô tu nimis impudenter
Plura requiris,

15.

Namque si sciret tibi profuturum
Siderum Rector, precibus quod imis
Flagitas, certè bonitate summâ
Promptus adesset.

16.

Ille sincerum tibi fert amorem,
Et pari pendens tua vota lance,
Ex iis, quæ sunt bona, dat, nociva
Denegat Idem.

17.

Dum dapes tecum struit Angelorum
Spiritus Sanctus, bene te politum
Pro suâ servans potiore parte,
Quò nihil absit.

18.

Tolle nunc curis, agendum, rejectis
Verticem, mœstos gemitusque pelle,
Ac relucens fidei probatæ
Lampada sume

19.

Ejus & flammæ adhibe tenèbris
Lætus obscuris gravium dolorum.

Sed

Sed tuo, Cœlo duce, *Velle* certam
Præcipe metam.

20.

Instar acceptæ citharæ, perennes
Admove grates folio Supremi,
Unde jam multò magis es potitus
Quàm meruisti.

21.

Quamdiu vives, memor esto semper
Numinis, ceu quod tibi cuncta donat.
Siquè quid perdis, DEUS atque Cœlum
Cuncta reponent.

FINIS DEC. III.

DE-

DECAS QUARTA
HYMNORUM

Sive

Psalmorum Davidis,

*translatorum à G. BUCH, & W. AMMON.**sed emendatorum à J. H. P.,*

ut cani possint.

I.

Psalmus V.

Herr hör was ich will bitten Dich.

G. BUCHANANO Interprete.

Metro Sapphico, *sive elisionibus.*

1.

O Potens rerum DEUS, aure leni
Mitis exaudi mea verba mentis,
Mente nec durâ, facilisque tristes
Percipe questus.

2.

Pondera tecum, mihi quanta tendat
Vox latus: quando mihi Rex DEUSQUE
Solus es, solum veneror precorque
Rebus in artibus.

3.

Manè clamantem DEUS æquus audi!
Nam tuum, castâ prece, non inanem
Spem fovens, Nomen venerabor ante
Luminis ortum.

4.

Tu DEUS, verâ pietate lætus,
Impii ritûs scelus execraris:

Te

Te frui nec mens studiosa pravi
Speret amico.

5.

Nec tuam cernent faciem Superbi :
Respuis fraudum cupidosque cœdis,
Quæque consuevit simulare, linguam,
Falsa, recides,

6.

Sed tuâ fretus bonitate, sacrum
Limen, & templum visitare pergam,
Et colam semper tua sancta iustis
Numina votis,

7.

Ut tamen casses fugiam dolosos
Hostium, præfer, DEUS æquitatis
Dux, mihi lumen, dubioque cœcos
Dirige gressus,

8.

Hostium verum fugit ora, pectus
Incolit fraus, spurciciesque, guttur
Tetrico par est, quod hiat recludens
Funera, busto.

9.

Lingva blandiri tacito veneno
Novit, & cœcos meditatur ictus,
O DEUS, rerum Pater alme, gentem
Perde nefandam!

10.

Perde conatus etiam malignos,
Quique te linqvunt, scelerum suorum
Sentiant pœnas meritas, ab imâ
Stirpe revulsi.

11.

Gaudeant omnes remanere tectum
Qui student, & spem posuere certam
Te sibi, finem faciant nec unquam
Te celebrandi.

D

12. Nam.

12.

Namque tu rectos, animique puros,
 Recreas multis opibus benignus,
 Et tui (tanquam clypeo) favoris
 Protegis umbrâ.

II.

Contra falsos Doctores.

Psalmus XII.

*Ach Gott vom Himmel sieh darein,*W. AMMON. *Interprete.*

Metro Jambico dimetro acatalecto &
 Anacreontico: *dicolo.*

1.

DEus Supreme, respice,
 Horum miserte morum!
 Quàm parvus est Ecclesiæ
 Cœtus miser piorum &
 Non veritas permittitur,
 Verbi fides extingvitur
 Mortalium quibusque,

2.

Fictas docent fallacias,
 Inventa vana mentis:
 Non cordis heïc est unitas
 Verbum DEI tenentis,
 Hoc unus, illud disputat
 Alter, modò nos dividat.
 Falso nitent colore.

3.

Disperdat hæreses DEUS
 Mendacium docentùm,
 Et, *quis vetet?* procacibus
 Lingvis subobstrepentùm!

Jus fasque nobis competit
Ajunt, nihil nos impedit,
Nec novimus Magistrum.

4.

Contrà DEUS : Non perferam,
Nam pauperes premuntur.
Planctus eorum exaudiam,
Aures nec obstruentur.

Verbum meum pugnaculum
Salutis est fortissimum,
Et viva vis egentium.

5.

Probatur igne septies
Argenteum metallum,

Verbum DEI sic senties
Purissimum futurum.

Crucis probatur ictibus,
Et intimis doloribus,
Terraque fulget omni.

6.

Hoc, Tu DEUS, sic asseras
A gente perduelli,

Et nos tuos sic dirigas,
Ne misceamur illi!

Profana turba pessimos
Hos quærit adversarios
Gentem tuam prementes.

III.

De Virtutibus Christianis.

Psalmus XV.

Herr wer wird in der Hütten dein.

W. AMMON. *Interprete.*

Metro præcedenti.

1.

Quis incolet tuum, DEUS,

D 2

Ten-

Tentorium beatum :
 Et quem repones altius
 Montem super sacratum ?
 Qui labe purus ambulat,
 Tenaxque recti cogitat
 In corde veritatem.

2.

Cûi lingua non est futilis,
 Qui proximo nocere
 Non qværit, aut calumniis
 Infamiam ciere :
 Et reprobum qui despicit,
 DEum timentes suspicit,
 Colitque diligenter.

3.

Qui porrò vera proximo
 Jurat, fidemque præstat,
 Cûi fœnus & corruptio
 Contra bonos nec obstat.
 Qui fecit ista, degere
 In monte sancto, & vivere
 Potest in ævitatem.

IV.

Psalmus XXIII.

Was kan uns kommen an für Noth.

J. H. PAULLI *Interprete.*

Eodem metro.

I.

QVæ nos qveunt discrimina
 Perterritos movere,
 Si Dux DEus per omnia
 Pastorque vult manere,
 Cibisque nos cœlestibus,

U

Undâqve Sancti Spiritûs;
Corroborare gaudet?

2.

Amore sancti Nominis
Nos ducit ad virentem
Saltum, nimisqve langvidis
Affert salubritatem.

Id omne quum revolvimus,
Mortem vel ipsam temnimus,
Nam nostra spes es una.

3.

Pedo suo redarguit,
Solatur, & tuetur
Hic Pastor, atqve prospicit
Ne prorsus obruamur,
Gravi crucis sub pondere,
Quod provocatur crimine,
Quum respicit gementes.

4.

Nobis dedisti ferculis
Mensam sacris repletam,
Verbo beati Numinis
In corde præparatam.
Quam mente totâ poscimus,
Quum nos malignus Spiritus
Obtundit atqve torquet.

5.

Fructus tuæ Clementiæ
Superfluè redundant
Omnes, DEus sanctissime,
In nos, & usqve durant,
Ut per fidem. quum deniqve
Hinc avocemur, incolæ
Cœli simus supremi.

6.

Jesu, rogamus, adjuva
Ut illud assequamur,

D 3

Et

Et Spiritûs potentiâ
 Visu Patris fruamur!
 Hoc omnibus concedito
 E corde quotquot intimo
 Amant AMEN precari.

V.

In rebus angustiis.
 Psalmus XLII.

Wie nach einer Wasserquelle.

J. H. PAULLI *Interprete.*

Metro Trochaico dimetro acatalecto
 & catalecto: *dicolo.*

1.

More Cervi, qui strepentis
 Qværit undæ rivulum,
 Ipfus altâ voce mentis
 Clamo. Nam viventium
 Te DEum defidero,
 Nec fitire defino.
 Qvando Te demum videbo?
 Qvando Te frui valebo?

2.

Indies, itemqve totâ
 Nocte, victus lacrumæ
 Sûnt meus, sed efferata
 Qvando gens me qvære
 Pergit: Heus! *ubi tuus*
 Qvæfo te, *nunc est DEus?*

Cordis ima commoventur,
 Hoc & uno recreantur;

3.

Qvod licebit ambulare
 Cum piorum cœtibus,

Et

Et manus meas levare,
 Atque festis plausibus
 In DEI sanctissimum
 Ingredi sacrarium.
 Hic scopus mihi manebit,
 Præque ceteris placebit.

4.

Ægra mens, cur me dolore
 Continenter maceras?
 Linque curas, & repone
 In DEO spes anxias.
 Hunc adhuc ingentibus
 Gratiis & laudibus
 Prosequar, quod me vocantem
 Respicit, juvat jacentem.

5.

O DEUS! quantâ laboro
 Mentis ægritudine?
 Ergo Te supplex adoro,
 Inque solitudine
 Deviorum montium,
 Hermonisque saltuum,
 Littus & Jordanis ultra,
 Semper ad Te mitto vota.

6

Fluctuum vortex tuorum
 Hinc & hinc circumstrepit,
 Et susurrus alveorum
 Horridus me perculit.
 Sed DEUS quod optimus
 Dat diebus omnibus,
 Nocte serâ prædicabo.
 Hunc Ducem vitæ citabo,

7.

Atque dicam: Cur relinquis
 Me DEUS, fortissima
 Petra quum tu sis Salutis?

D 4

Ho-

Et

Hostium ludibria
 Cur, & istam perferam
 Indies ferociam,
 Quid rogent me turbulentum,
 Hoc quid est: *DEusne tecum?*

8.

Ægra mens, cur me dolore
 Continenter maceras?
 Linque curas, & repone
 In DEO spes anxias.
 Hunc sonabo cantibus,
 Efferamque laudibus
 Sempiternis, intuentem
 Me, DEumque se fatentem.

VI.

Carmen triumphale LUTHERI.

Psalmus XLVI.

W. AMMON. *Interprete.*

Metro Jambico dimetro acatalecto, Ana-
 creontico, & monometro superca-
 talecto: *tricolo.*

I.

ARx firma noster est DEus,
 Defensioque fortis,

E tribulationibus

Nos liberans subortis:

Dum nos acerbâ

Oppugnat irâ

Antiquus hostis,

In hisce terris

Quem fraude nullus æquat.

2.

Quid quærimus resistere?

Statim fuisset actum:

Sed

Sed posse scimus vincere
 Virum DEO profectum.
 Vis Nomen ejus
 Is est *Iesus*
CHRISTUS, sed unus,
 DEUSQUE verus,
 Victoriā reportans,

3.

Sit plenus Orbis Dæmonum
 Qui nos vorare vellent,
 Nihil timemus, plurimum
 Quamvis nocere tentent.
 Dux Orbis ille
 Turbet, frematque,
 Est alligatus,
 Et judicatus.
 Vel verbulo peribit,

4.

Verbum DEI ne funditū
 Tollatur, ipse ecce
 Præsens adest, fidelibus
 Dans dona Spiritumque.
 Dematur omne,
 Corpus, domusque,
 Cum prole carā
 Conjux amica,
 Regnum DEI manebit.

VII.

Psalmus LXVII.

Es wolt Uns Gott genädig seyn.

J. H. PAULLI *Interprete.*

Metro Jambico dimetro acatalecto, &
 Anacreontico: *dicolo.*

1.

Nobis benignus sit DEUS,

D 5

Su-

Sed

Suumque det favorem!
 Nam vultus ejus splendidus
 Poli refert nitorem.
 Hinc ejus acta cernimus,
 Et quæ juvare possunt
 Aperta fiunt gentibus,
 Jesum deinde noscunt,
 DEOque congregantur.

2.

Habebis ergo gratias
 Ab Ethnicis ubiqve,
 Reddetque laudes maximas,
 Tibi, DEUS supreme,
 Jam totus Orbis, asserens:
 Quod Rector Univerſi,
 Peccata nostra cohibens
 Voce Verbi sacrati,
 Nos non fines perire.

3.

Sit laus Tibi, sit gloria,
 Plebs læta jubiletque!
 Annona fit pulcherrima,
 Ferax tuumque valdè
 Verbum. Parens sanctissime,
 Cum Filioque, Flamen,
 Nosmet tueri pergite!
 Fidelium caterva
 Omnisque dicat AMEN.

VIII.

Psalmus CIII.

Nun lob meine Seele den HERREN.

G. BUCHAN. *Interprete.*

Metro Sapphico, sine elisionibus.

1.

Sit Parens rerum mihi carmen. Illum
 In.

Intimis fibris animoque quantus
Est vigor, laudet, colat, & sacratum
Nomen honoret.

2.

Mens DEO laudes cane, redde grates
Mens DEO: nullis benefacta seclis.
Excitant, & quæ tribuit benignâ
Munera dextrâ;

3.

Qui tuum tollit scelus, atque cunctos
Sanat angores, reparatque vires,
Et breves, vitæ properante fato,
Prorogat annos.

4.

Pluribus nec non opibus coronat
Ore quàm poscas, tacitè vel optes,
Et tuam qui vult Aquilæ renasci
More senectam.

5.

Integer Judex, scelerumque vindex;
Tradidit sancto sua jura Mosis,
Isaci prolem docuit piarum
Dogmata legum.

6.

Lenis & blandus, bonitate summâ,
Tardus irasci; neque sempiternæ
Sæviti offensæ memor, aut perennes
Ardet in iras.

7.

Sumit aut pœnas, repetitive. Mira
Æquitas ejus, magis & redundat
In pios, mundi globus ac remoto
Distat Olympo.

8.

Quàm procul, terris oriens Eois,
Gaditano Sol abiit cubili,

D 6

Tam

lum
In

Tam procul nostri maculas removit
Criminis à Se.

9.

Qualis in natos amor est Parentis,
Est favor talis Domini benigni,
Ipsius si quis pietate verâ
Numen adorat.

10.

Tu sinus mentis penitus repositos,
Tu, Pater, nosti penetrabile cordis:
Quippe nos terræ memor è rubenti
Pulvere factos.

11.

Herba ceu crescit, pueri venustas
Sic & extentis adolescit annis,
Donec ut fœnum cadat arefactum,
Jam moribundus.

12.

Instar aut floris Tyrii coloris,
Fortè qui cœlo modicè sereno
Ridet, afflatu tepidi repentè
Concidit Auftri.

13.

Sed DEI constans bonitas per omnem
Durat ætatem, manet hinc piorum
Omnium, semper stabilis, propago
Sera nepotum.

14.

Dummodò nunquam violârit isti
Fœderis leges, memoriqve iussa
Mente servârit, referatqve vitâ
Puriter actâ.

15.

Ille flammantis super astra cœli
Non periturum folium locavit,
Et suo nutu DEus universum
Temperat Orbem.

16. An-

16.

Angeli, fortes Domini Ministri,
Cuncta cogendi quibus est potestas
Sub jugum, summo Domino DEOqve
Pangite laudes.

17.

Quiqve castrorum Comites meretis
Jugiter, tanti Ducis audientes
Sedulò dictis, Domino DEOqve
Pangite laudes.

18.

Quæqve per vastos ubicunqve fines
Imperî pollens opifex creavit,
Maximo plausu, Domino DEOqve
Pangite laudes.

19.

Mens, DEO demùm quoqve pange laudes,
Debitas grates referens: & imis
Quisqvis est fibris vigor ejus ingens
Nomen honoret.

IX.

Psalmus CXXIV.

Wär Gott nicht mit uns diese Zeit.

J. H. PAULLI *Interprete.*

Metro Jambico dimetro acatalecto, &
Anacreontico: *dicolo.*

1.

Nisi DEus persisteret,
Dicat Genus Jacobi,
Nisi malos pessundaret,
Essemus, heu! relictî.
In hâc catervâ parvulâ,
Interqve tot ludibria
Succumberemus omnes.

D 7

2. Ex

3.

Exarsit iracundia
 In nos furens eorum,
 Ut, nî DEI Clementia
 Obex foret malorum,
 Nos, si liceret, credulos
 Absorbuisent integros,
 Ut fluctuum vorago,

3.

Grates DEO, quòd cassibus
 Ut ales irretita,
 Sic nostra mens ab hostibus
 Sit hisce liberata:
 Nil restat ergo, vinculis
 Ruptis, asylo Nominis
 Quàm nos sui tueri.

X.

Psalmus CXXX.

Pœnitentialis.

Aus tieffer Noth.

J. H. PAULLI *Interprete.*
 Metro præcedenti.

I.

AUdi profundo pectore
 Me te, DEUS, vocantem,
 Et supplici nunc admove
 Tuam benignus aurem!
 Nam, facta si nefaria
 Punire gestis omnia,
 Quis innocens manebit?

2.

Sed mos tuus, remittere
 Noxas favore summo;

Quis

Qveis se carere, dicere
 Ausit profectò nemo:
 Omnes, ubiqve gentium,
 Et quicquid est mortalium,
 Ut te timere discant.

3.

In te, DEus, reposui
 Nam spem meæ Salutis,
 Et mente necdum perdididi
 Præstare quæ teneris,
 Verbi tui sanctissimi,
 Et interire nescii,
 Fido cui, vigore.

4.

Non est Vigil, plus anxie
 Desiderans serenum
 Jubar diei cernere,
 Lætunqve Solis ortum;
 Quàm Te, meum solatium,
 Memor tuorum foederum,
 Anhelo corde toto.

5.

Sit nox diesve, spiritum
 Tamen redintegrare
 Volo: tuam sic in DEum
 O Israël locare
 Spem perge. Tanto vindice,
 Solutus omni crimine,
 Et neutiqvam peribis.

FINIS DEC. IV.

DE-

DECAS QVINTA
HYMNORUM
Variorum Auctorum.

Cum aliis emendationibus
J. H. PAULLI, & G. GALLI.

I.

In Adventu Domini.

Nun komm der Heyden Heyland,

D. AMBROSH.

Metro ut supra Dec. I. 2.

sed Rhythmis confusis.

V^{1.} Eni Redemptor gentium,
Ostende partum Virginis,
Miretur omne seculum,
Talis decet partus DEUM.

2.

Non ex virili semine,
Sed mystico spiramine,
Verbum DEI factum est caro,
Fructusque ventris floruit.

3.

Alvus tumescens Virginis
Claustrum pudoris permanet,
Vexilla virtutum micant,
Versatur in templo DEUS.

4.

Procedit è thalamo suo,
Pudoris aula regia,
Geminæ Gigas substantiæ,
Ut currat illustrem viam.

5. E-

5.

M Egressus ejus à Patre,
 Regressus ejus ad Patrem,
 Excursus usque ad inferos,
 Recursus ad sedem DEI.

6.

Æqualis æterno Patri,
 Carnis tropæo accingere,
 Infirma nostri corporis
 Virtute firmans perpetim.

7.

Præsepium fulget tuum,
 Lumenque nox spirat novum,
 Quod nulla nox interpolet,
 Fideque jugi luceat.

8.

DEO Patri sit gloria,
 Ejusque soli Filio,
 Cum Spiritu paraclito,
 Et nunc, & in perpetuum.

II.

Idem Hymnus

Emendat. à J. H. P.

Metro Anacreontico : *monocolo*,
 rhythmis non observatis.

N

1.

Unc gentium Redemptor
 E ventre Virginali
 Procede, cujus omnis
 Partu stupefcit Orbis!

2.

Nil hæc virile semen,
 Sed Spiritus peregit

UË

Ut possit esse VERBUM
Homo, ferens Salutem.

3.

Concepit ecce sanctâ
In castitate Virgo,
Præsens ubi Majestas
Erat, DEIqve Virtus.

4.

Ut Rex throno, puellæ
Sic fortis ille clauftro,
Homo DEusqve verus,
Herois instar exit.

5.

Qui dirigendo cursum,
A Patre venit, atqve
Ab Inferis ad ipsum,
Cælosqve commeavit.

6.

O par tuo Parenti!
Victoriam reporta
In carne, nos caducos
Et perge sustinere.

7.

Sed dum tuum resplendet
Præsepium, novumqve
Nox ipsa lumen affert,
Fides perire nescit.

8.

Patri sit atqve Gnato,
Et Flamini, perennis
Laus, quæ per omne seclum,
Et omne duret ævum.

III.

In Nativitate Christi.

Vom Himmel kam der Engel Schaar.

G. GALLI Interprete,

emendat. à J. H. P.

Metro Trochaico dimetro acata-
lecto : *monocolo & rhythmico.*

C^{r.}œlitùs Phalanx sacrata

Ad Bubulcos verba grata
Pertulit, de blandicello
Et recens nato puello.

2.

In Davidis civitate,
Ceu Michas prædixit ante,
CHRISTUS, omnium Redemptor,
Omnium rerum Creator,

3.

Natus est, Hinc jubilate,
Hâc DEI benignitate:
Vestra, pro salute vestrâ,
Induit quòd ille membra.

4.

Crimen aut mors quid nocebit,
Si penes vos permanebit?
Spumet iras Orcus ater,
Vester est JEHOVA Frater.

5.

Is potest & vult tueri
Vos, simul patrocinari:
Ingruant pericla mille,
Cuncta pellet Unus ille,

6. Id

6.

Id piè tandem scietis,
Nunc DEI GENUS quod estis.
Ergo vos præbete gratos,
Quòd facit Vos tam beatos.

IV.

In eodem Festo.

CHRISTUM wir sollen loben schon.

COELII SEDULII *Presbyr.*

Metro ut supra *Dec. I. 2.*

sed Rhythmis invicem permixtis,
& quantitatibus neglectis.

1.
A Solis ortus cardine

Ad usque terræ limitem
CHRISTUM canamus Principem,
Natum MARIA Virgine.

2.

Beatus auctor seculi
Servile corpus induit,
Ut carne carnem liberans
Non perderet quos condidit.

3.

Casta Parentis viscera
Cœlestis intrat gratia,
Venter Puellæ bajulat
Secreta quæ non noverat.

4.

Domus pudici pectoris
Templum repentè fit DEI,
Intacta, nesciens Virum,
Verbo concepit filium.

§. Eni.

5.

Enixa mox Puerpera
 Quem Gabriel prædixerat,
 Quem matris alvo gestiens
 Clausus Johannes fenserat.

6.

Fæno jacere pertulit,
 Præsepe non abhorruit,
 Parvoque lacte pastus est,
 Per quem nec ales esurit.

7.

Gaudet chorus cœlestium,
 Et Angeli canunt DEO,
 Palamque fit Pastoribus
 Pastor, Creator omnium.

8.

Summo Parenti gloria,
 Natoque laus quàm maxima,
 Cum Sancto sit Spiramine,
 Nunc & per omne seculum.

V.

Idem Hymnus

G. GALLI *Interprete, emendat. à J. H. P.*

Eodem metro,
 sed rhythmis ordine dispositis.

Q

1.

Và Sol recludit cardinem
 Ad usque terræ limitem
 Natum MARIA Principem
 CHRISTUM canamus invicem.

2.

Beatus auctor seculi
 Suscepit artus Seryuli,

Ut

Ut carne carnem liberet,
Nec quos creavit perderet.

3.

Castæ Parentis viscera
Cœlestis intrat gratia,
Venter Puellæ bajulat,
Sed vis virilis exulat.

4.

Domus pudici pectoris
Summi fit ædes Numinis,
Verboque, nesciens Virum,
Concepit illa filium,

5.

Mox edidit Puerpera,
Prognata stirpe Regiâ,
Qvem Gabriel prædixerat,
Et quem Johannes senserat.

6.

Fœno jacere pertulit,
Præsepe non abhorruit,
Parvoque lacte substitit,
Per quem nec ales esurit.

7.

Cœlestium gaudent chori,
Canunt Ministri flammei:
Palamque fit Pastoribus,
Pastor Creator maximus.

8.

Summo Parenti gloria,
Natoque laus amplissima,
Sanctoque fit Spiramini,
Devotione perpeti.

VI.

Ad Spiritum Sanctum.

E. H.

Metro Phaleucio,

Cum Cæsuris promiscuis & rarioribus.

Veni maxime Spiritus, tuorum
 Reple corda fidelium, tuique
 Accendas in eis amoris ignem,
 Qui gentes fidei sub unitatem,
 Per discrimina multa linguarum,
 Solator Paraclete, congregasti!
 Quem nunc mittere Spiritum per Orbem
 Dignaris, Pater, omnia innovabit.

O qui corda fidelium, benigni
 Flatûs numine, doctiora reddis,
 Da nobis age, Spiritu ex eodem
 Et rectum sapere, & frequenter ejus
 Consolamine vivere & valere!
 Per CHRISTUM Dominum DEUmque
 nostrum.

VII.

Idem Hymnus

*emendatus à J. H. P.*Metro præcedente, *monocolo.*

(Cæsuram)

Sed trithemimerin habet priorem,
 ut cani possit, velut suprâ Dec. II. 8.



Veni sis, bone Spiritus, tuorum
 Fideles animas reple, tuique

Ad

Ac-

Accendas in eis amoris ignem,
 Qvi gentes fidei sub unitatem,
 Per lingvas varias, viâ stupendâ,
 Solator Paraclete, congregasti!
 Hunc Sanctum modò Spiritum per
 Orbem

Mittendo, Pater, omnia innovabis.
 O Flatûs ope, qvi tuos, benigni,
 Fideles cupis esse doctiores,
 Da nobis age, Spiritu ex eodem
 Perfectè sapere, ipsiusqve semper
 Ad normam bene vivere & valere!
 Per CHRISTUM Dominum, DEUmqve
 nostrum.

VIII.

In festo Pentecostes.

Komm GOTT Schöpfer H. Geist.

INCERTI.

Metro Jambico dimetro acatalecto:
monocolo.

Rhythmis confusis,
 & neglectis quantitatibus.

V

1.

Veni Creator Spiritus,
 Mentem tuorum visita,
 Imple supernâ gratiâ
 Quæ tu creasti pectora!

2.

Qvi Paracletus diceris,
 Donum DEI ditissimum,
 Fons vivus, ignis, charitas,
 Et spiritalis unctio.

3. Tu

3.

Tu septiformis munere,
Dextræ DEI tu digitus,
Summiqve promissum Patris,
Sermone ditans guttura.

4.

Accende lumen sensibus, X
Infunde amorem cordibus,
Infirma nostri corporis
Virtute firmans perpetim.

5.

Hostem repellens longius
Pacemqve donans protinus!
Ductore sic te prævio,
Vitemus omne noxium.

6.

Per te sciamus, da, Patrem,
Noscamus atqve Filium,
Teqve utriusqve Spiritum
Credamus omni tempore.

7.

Sit laus Patri, cum Filio,
Et Spiritu pari DEO,
Nobisqve mittat Filius
Charisma Sancti Spiritus!

IX.

Idem Hymnus.

G. GALLI *Interprete,*
emendat. à J. H. P.

Metro Trochaico dimetro acatalecto:
monocolo.

Rhythmis alternis.

I.

S Sancte Spiritus Creator,
Corda visita tuorum:

E

QVL

Qvi boni remunerator
Es, reple mentem bonorum!

2.

Namqve Consolator audis ~~X~~
Arrhabo, brabæon, alma
Lux, & ungvæn nuncuparis,
Charitas, fons, flamma viva.

3.

Septuplex es, dona dando,
Et manûs Index Supremi:
Totqve lingvas dirigendo
Jussa Patris pandis Orbi.

4.

~~X~~ Sensibus succende lumen,
Pectori nec non amorem:
Et tuum fidele Numen
Langvidis addat vigorem!

5.

Libera nos à furore
Hostis, atqve redde pacem:
Ipsius, tuo favore,
Et retunde vim ferocem.

6.

Te docente, scire rectè
Fac Patrem, simulqve Gnatum,
Nec minùs novisse certè
Temet, utriusqve Flatum.

7.

Laus, honosqve conferatur
Filio, sicut Parenti,
Semper item prædicetur
Spiritus persona Sancti.

X.

Contra hostes Christi.

Erhalt Uns HErr bey deinem Worth.

JO, STIGELII.

Metro Jambico dimetro acatalecto:
*monocolo & rhythmico.*I.
Serva, DEus, verbum tuum,

Et frange vires hostium,

Qui Filium tuum suo

Turbare conantur Throno.

2.

Ostende nunc potentiam,

O CHriste, Rex Regum, tuam:

Defende parvulum gregem,

Qui te fatetur Principem!

3.

Vivificator Spiritus,

Concordiam da cordibus:

Adsis periclitantibus,

Cum morte conflictantibus.

4.

Hostes repelle, machinis

Et dissipa reciprocis:

Scrobes in altis dejice,

Quas comparant Ecclesiæ!

5.

Sic fiet, ut te sentiant

Verum DEum, quem pernegant,

Qui fortiter nos adjuvas,

Cœli futuros incolas.

FINIS DEC. V.

D 2,

DE-

**DECAS SEXTA
HYMNORUM**

*Incertorum Auctorum,
non nisi passim emendatorum.*

I.

In Nativitate Christi.

Der Tag der ist so freudenreich!

Metro Trochaico catalecto & brachycatalecto ; *dicolo.*

Rhythmis alternis,
sed neglectis quantitatibus.

I.

Dies est lætitiæ
In ortu regali,
Nam processit hodiè.
De ventre virginali

Puer admirabilis,
Totus delectabilis,
In humanitate
Est inæstimabilis,
Est & ineffabilis
In divinitate.

2.

Ortô DEI Filiô
Virgine de purâ,
Ut Rosa de Lilio,
Miratur Natura
Quem parit Juvencula,
Natum ante Secula
Creatorem rerum.
Dat lac pudicitæ,
Ubera munditiæ,
Antiqvo dierum.

3. Ut

3.

Ut Vitrum non læditur
 Sole penetrante,
 Sic illæsa creditur
 Post partum & ante,
 Felix hæc Puerpera,
 Cujus casta viscera
 DEUM genuerunt,
 Et beata ubera
 In ætate tenerâ
 CHRISTUM lactaverunt.

4.

Angeli Pastoribus
 Juxta suum gregem
 Noctè vigilantibus,
 Natum cœli Regem
 Nunciant cum gaudio,
 Jacentem in præsepio,
 Infantem pannosum,
 Angelorum Dominum,
 Et præ natis hominum
 Formâ speciosum.

II.

In festo Epiphaniæ, &c.

Was fürchstu Feind Herodes sehr?

Metro Jambico dimetro acatalecto:
monocolo.

Rhythmis non nisi tertio & quarto
 versu observatis,

1.

Herodes, hostis impie,
 Christum venire quid times?
 Non arripit mortalia
 Qui regna dat cœlestia.

E 3

2. lbant

3. Ut

2.

Ibant Magi, qvam viderant
Stellam sequentes præviam:
Lumen requirunt lumine,
DEum fatentur munere.

3.

Lavacra puri gurgitis
Cœlestis agnus attigit,
Peccata qvæ non induit
Nos abluendo sustulit.

4.

Novum genus potentiaë,
Aqvæ rubescunt hydriaë,
Vinumqve jussa fundere
Mutatur Unda origine.

5.

DOMINE, Tibi sit Gloria,
Qvi natus hoc nobis die,
Cum Patre, Sancto & Spiritu,
In sempiterna secula.

III.

De Passione CHRISTI.

CHRISTUS DER UNS SELIG MACHT.

Metro Trochaico catalecto & brachy-
catalecto: *dicolo.*

Sed neglectis quantitatibus, & rhyth-
mis alternis.

I.

PATRIS Sapiëntia,
VERITAS divina,
DEUS - Homo captus est
Horâ matutinâ.
A suis Discipulis
Citò derelictus,

A Ju-

A Judæis venditus,
Traditus, afflictus.

2.

Horâ primâ ductus est
JESUS ad Pilatum,
Falsis testimoniis
Multùm accusatum
In collum percutiunt
Manibus ligatum,
Vultum DEI conspuunt,
Lumen poli gratum.

3.

Crucifige clamitant
Horâ tertiarum,
Illusus induitur
Veste purpurarum,
Ejus Caput pungitur
Coronâ spinarum,
Crucem portat humeris
Ad locum pœnarum.

4.

Horâ sextâ JESUS est
Cruci conclavatus,
Est & cum Latronibus
Pendens reputatus,
Præ tormentis sitiens
Felle saturatur,
Agnus crimen diluit,
Sed ludificatur.

5.

Horâ nonâ Dominus
JESUS exspiravit,
ELI clamans, animam
Patri commendavit,
Latus ejus lanceâ
Miles perforavit,

E 4

Ter-

Ju-

Terra tum contremuit,
Et Sol obscuravit,

6.

Dē Cruce dependitur
Horā vespertinā,
Fortitudo latuit
In mente divinā,
Talem mortem subiit
Vitæ Medicina.

Heu Corona gloriæ
Jacuit supina!

7.

Horā completorii
Datur sepulturæ
Corpus CHRISTI nobile,
Spes vitæ futuræ,
Conditur aromate,
Complentur Scripturæ.
Jugi sit memoriâ
Mors hæc mihi curæ.

8.

Passionis tempore
Cum devotione
Hanc rem, CHRIste, recolo
Piâ ratione,
Ut qui pro me passus es
Amoris ardore,
Mihi sis solatium
In mortis angore.

IV.

In festo Paschatos.

*Jesus Christus wahr Gottes Sohn.*Metro Jambico dimetro acatalecto:
*monocolo.*Rhythmis probè observatis, sed
neglectis quantitatibus.

1.

Christus pro nobis passus est,
Et immolatus agnus est:
Effuso suo sanguine
In ipsâ Crucis arbore:
Pro mortuis imperium
Et vicit Diabolicum.

2.

Qvippe surgens è mortuis
Victor redit ex inferis:
Delevit & chirographum
Nobis quod est contrarium;
Exspoliato Satanâ,
Cœli reclusâ januâ.

3.

Habemus ergo liberum
Ad Patrem jam nos aditum.
Per Christum DEI Filium,
Pro nobis morti traditum.
Halelujah! Halelujah!
Benedicamus Domino.

V.

In eodem festo Paschatos.

Der Heiligen Leben.

Metro Sapphico, sine elisionibus.

I.

V. In **V**ita Sanctorum, decus Angelorum.
E s. Vi.

Vita cunctorum pariter piorum,
 CHriste, qvi mortis moriens Ministrum
 Exsuperasti.

2.

Tu tuo lætos famulos trophæo
 Nunc in his serva placidis diebus,
 In quibus sacrum celebratur omnem
 Pascha per Orbem.

3.

Pascha, qvo ViCTOR rediens ab imo,
 Atqve cum multis aliis resurgens,
 Ipse susceptam super alta carnem
 Astra levasti,

4.

Nunc in excelsis Dominus refulgens,
 Et super cœlos DEus elevatus,
 Inde venturus Homo, judicatum
 Denuò Judex.

5.

Corda tu sursum modò nostra tolle,
 Qvò Patri dexter resides in altò,
 Ne resurgentes facias in ima
 Præcipitari.

6.

Hoc Pater tecum, pariter sacratus
 Præstet amborum, pie CHriste, Flatus,
 Cum quibus regnas DEus Unus, omni
 Jugiter ævo!

 VI, In

VI.

In festo Pentecostes.

Des H. Geistes Gnade groß.

Metro Jambico dimetro acatalecto a
*monocolo.*Rhythmis observatis,
sed neglectis quantitatibus.

1.

Spiritûs Sancti gratia
Apostolorum pectora
Replevit suâ gratiâ,
Donans lingvarum genera: *genera.*

2.

CHRistus per mundi climata
Hos misit, sacra dogmata
Ut prædicantes, gratiam
Annuncient, & veniam: *veniam.*

3.

Dicens eis: Accipite
Spiritum Sanctum hodiè,
Qui vos docebit omnia,
Futura & præterita: *præterita.*

4.

Dicens &, coram Regibus
Quum statis, aut Principibus,
Nunquam vos meditamini,
Qvo pacto, aut quid loquamini:
(*loquamini.*)

5.

Illâ nam Vobis singula,
Et cuncta desideria
Dabuntur horâ, cœlitûs,
Virtute ejusdem Spiritûs: *Spiritus.*

E 6

E 5.

6.

Ergo nunc cum tripudio
 Benedicamus Domino.
 Laudetur Sancta Trinitas,
 DEO dicamus gratias: *gratias.*

VII.

In festo S. S. Trinitatis.

Der du bist drey in Einigkeit.

Metro præcedente,
 sed rhythmis & quantitatibus
 observatis.

1.

O Lux beata, Trinitas,
 Et principalis Unitas,
 Jam Sol recedit igneus,
 Infunde lumen cordibus!

2.

Te manè laudum carmine,
 Et Te precamur vespere,
 Te nostra supplex gloria
 Per cuncta laudet secula.

3.

DEO Patri sit gloria,
 Ejusque soli Filio,
 Cum Spiritu: Sicut fuit,
 Nunc est, & omni Seculo.

VIII.

Hymnus Vespertinus.

CHRISTE, der du bist Tag und Liecht.

Eodem Metro.

Sed quantitatibus neglectis, & rhythmis
 confusis.

1.

CHRISTE, qui lux es, & dies, Ne-

Noctis tenébras dissipans,
Lucisque lumen crederis,
Lumen beatum prædicans.

2.

Precamur, sancte Domine,
Hac nocte nobis prospice,
Et svave dormientibus
Noctem quietam tribue!

3.

Ne gravis somnus irruat,
Nec hostis nos surripiat,
Illi caro consentiens
Nec tibi reos statuatur.

4.

Quum sopor subit lumina,
Cor semper ad Te vigilet,
Tua protegatque dextera
Fideles, qui te diligunt.

5.

Defensor noster adspice,
Insidiantes reprime,
Guberna servos supplices
Quos sanguine mercatus es.

6.

Memento nostri, DOMINE;
In isto gravi corpore,
Qui es Redemptor animæ,
Adesto nobis, DOMINE!

7.

DEO Patri sit gloria,
Ejusque soli Filio,
Sancto simul Paraclito,
In sempiterna secula!

IX.

In rebus angustis.

Wend ab deimen Zorn.

G. THYMÆO auctore,
 Correct. à PH. MELANCHTONE.
 Metro Sapphico, *sue elisionibus.*

1.

Aufer immensam, DEus, aufer iram,
 Et cruentatum cohibe flagellum,
 Nec scelus nostrum properes ad æquam
 Pendere lacem!

2.

Si luant justam mala nostra pœnam,
 Qvis potest sævas tolerare plagas?
 Qvum nec ultricem spatiosa ferret
 Machina virgam.

3.

Parce, sed nostris miserando culpis,
 Jus pari clemens pietate miscens,
 Cui manet semper proprium, maligno
 Parcere mundo,

4.

Cur super vermes luteos furorem
 Sumis, ô magni fabricator Orbis,
 Quid fumus, qvàm fœx putris, umbra,
 pulvis,
 Glebaqve terræ?

5.

Nos parentales maculant reatus,
 Et caro mentem trahit imbecillem,
 Ergo tam sortem fragilem benigno
 Respice vultu!

6.

Da, crucem, clavos, scuticam, coronam,
 Lan-

Lanceam, funes, rigidamque mortem,
Inter iratam mediare dextram,
Et mala nostra!

7.

Non opus summi pereat Magistri,
Nec finas cassam fore passionem,
Corde sed manans lavet omne crimen
Sanguis & unda.

8.

Hoc ratum quò sit facias precamur
Omnibus nobis, residens Olympo
Qui DEUS, semper dominaris Orbi,
Trinus & Unus.

X.

In Exequiis.

Hört auff mit trauren und klagen,

H. PRUDENTII.

Metro Anapæstico Partheniaco, dimetro
catalecto: *monocolo.*

J

1.

Am mœsta quiesce querela,
Lacrimas suspendite Matres,
Nullus sua pignora plangat,
Mors hæc reparatio vitæ est.

2.

Quidnam sibi saxa cavata,
Quid pulchra volunt monumenta?
Res, quod nisi creditur illis,
Non mortua, sed data fomno.

3.

Nam quod requiescere corpus
Vacuum sine mente videmus,
Spatium breve restat, & alti
Repetent collegia sensus.

4. Ve.

4.

Venient citò secula, quum jam
Socius calor ossa revifet,
Animataque sanguine vivo
Habitacula pristina gestent.

5.

Quæ pigra cadavera pridem
Tumulis putrefacta jacebant,
Volucres rapiuntur in auras,
Animas comitata priores.

6.

Sic semina sicca virescunt,
Jam mortua, jamque sepulta,
Quæ reddita cespite ab imo
Veteres meditantur aristas.

7.

Nunc suscipe terra fovendum,
Gremioque hunc concipe molli,
Homini tibi membra sequestro,
Generosa & fragmina credo.

8.

Animæ fuit hæc domus olim,
Factoris ab ore creatæ,
Fervens habitavit in istis
Sapientia, Principe CHRISTO.

9.

Tu depositum tege corpus,
Non immemor ille requireret
Sua munera fictor & auctor,
Propriique ænigmata vultus.

10.

Veniant modò tempora justa,
Et spem DEUS impleat omnem,
Reddas patefacta necesse est
Qualem tibi trado figuram.

FINIS DEC. VI.

DE-

DECAS SEPTIMA
HYMNORUM

non translatorum.

I.

In Adventu Domini,

D. AMBROSII.

Metro Jambico dimetro acatalecto :

monocolo.

Sed neglectis quantitatibus, & rhyth-
mis confusis.

C

1.

onditor alme siderum,
Æterna lux credentium,
CHRISTE, Redemptor omnium,
Exaudi preces supplicum,

2.

Qui condolens, interitu
Mortis perire seculum,
Salvasti mundum languidum,
Donans reis remedium.

3.

Vergente mundi vespere,
Uti Sponsus è thalamo,
Egressus honestissimâ
E Virginali clausulâ.

4.

Cujus forti potentia
Genua curvantur omnia,
Cœlestia, terrestria,
Cui se fatentur subdita.

5.

Occasum Sol custodiens,
Luna pallorem retinens,

Cant.

Candor in astris residens,
Certos observat limites.

6.

Te, te precamur, ultimi
Venture Judex seculi,
Conserua nos in tempore
Hostis à telo perfidi.

7.

Laus, honor, virtus, gloria,
DEO Patri, cum Filio,
Et Spiritu Paraclito,
A seculis in secula.

II.

De Passione Domini.

INCERTI.

Emendat. à J. H. P.

Metro præcedente,
sed rhythmis ordine dispositis.

R^{1.}EX CHRISTE, factor omnium,
Redemptor & credentium,
Placare votis supplicum,
Telaudibus colentium!

2.

Cujus benigna gratia
Crucis per alta vulnera,
Virtute solvit arduâ
Primi Parentis vincula.

3.

Creator alme fiderum,
Tegmen subisti carneum,
Dignatus hanc vilissimam
Pati doloris formulam.

4. Li.

4.

Ligatus es, quò solveres
Mundi ruentis complices,
Venena tollens criminum,
Quæ Mundus auxit plurimum.

5.

Cruci Redemptor figeris,
Terram sed omnem concutis,
Patrique tradis integrum,
Dum Sol nigrescit, Spiritum.

6.

Mox in paternæ gloriæ
Victor resplendens culmine,
Cum Spiritus munimine,
Defende nos, REX optime!

III.

In festo Paschatos.

INCERTI.

Eodem metro,

sed neglectis quantitativis,
& rhythmis confusis.

1.

AD Agni cœnam, providi
Et stolis albis candidi,
Per transitum maris rubri
Christo canamus Principi.

2.

Cujus corpus sanctissimum
In arâ crucis torridum,
Cujus cruore roseo
Fruendo vivimus DEO.

3.

Paschæ securi vespérâ,
Vastante quamvis Angelo,

Ere-

Erepti de durissimo
Pharaonis imperio.

4

Jam Pascha nostrum **CHRISTUS** est,
Qvi immolatus agnus est,
Cujus caro fit azyma
Sinceritatis hostia.

5.

O digna verè victima,
Per quam fracta sunt tartara,
Redemta gens è vinculis
Redit ad vitæ præmia.

6.

Precamur, Auctor omnium,
In hoc Paschali gaudio,
Ab omni mortis impetu
Tuum defendas populum.

7.

Grates Tibi sint, **DOMINE**,
A morte quòd surrexeris,
Cum Patre, & Sancto Spiritu,
In sempiterna secula.

IV.

In festo Ascensionis Domini

INCERTI.

Metro Choriambico Asclepiadéo tetra-
metro, & Glyconico trimetro:
dicolo, tetraastropho.

I.

Festum nunc celebre, magnaque gau-
dia
Compellunt animos carmina promere,
Quum **CHRISTUS** solium scandit ad ardua,
Cœlorum pius Arbiters.

2, A

2.

Ascendit jubilans lætus in æthera,
Sanctorum populus prædicat inclitum,
Plaudentes celebrant Angelici chori
Victoris quoque gloriam.

3.

Qui scandens superos vincula vinxerat,
Donans terrigenis munera plurima,
Austerus rediens arbiter omnium,
Qui mitis modò transit.

4.

Oramus, DOMINE, Conditor inclite,
Devotos famulos respice, protege,
Ne nos livor edax Dæmonis obruat,
Demergat vel ad inferos!

5.

Ut, quum flammiferâ nube reverteris
Omnes res hominum pandere, judicans
Cesses suppliciiis plectere noxios,
Dans justis sua præmia.

6.

Præstes hoc Genitor, optime, maxime,
Hoc tu, Nate DEI, tu bone Spiritus,
Regnans perpetuò fulgida Trinitas,
Per cuncta pia secula!

V.

In festo Purificationis
MARIÆ.

INCERTI.

Metro Sapphico, *sine elisionibus.*

1.

QVod Chorus Vatum venerandus
olim

Spi-

Spiritu Sancto cecinit repletus,
In DEI factum Genetrice constat
Esse Mariâ.

2.

Hæc DEUM cœli DOMinumqve terræ
Virgo concepit, peperitqve Virgo,
Atqve post partum meruit manere
Inviolata.

3.

Qvem Senex justus Simeon in ulnas
In domo sumsit DOMini, gavisus
Hoc, qvoad optatum proprio videret
Lumine CHRISTUM.

4.

Tu piis votis facilis precantum,
Regis æterni Soboles, faveto,
Clara qvi celsi remeans Olympi
Regna petisti.

5.

Sit DEO nostro decus, & potestas,
Et salus perpes, sit honor perennis,
Qvi poli summâ resides in arce
Trinus & Unus.

VI.

In festo Annunciationis
MARIÆ.

INCERTI.

Metro Jambico dimetro acatalecto:
monocolo.

Rhythmis invicem permixtis.

Fit porta cœli pervia,
Referta, plena gratiâ,



Trans

Transitqve Rex, & permanet
 Clausa ut fuit per secula,

2.

Genus superni luminis
 Processit aulâ Virginis,
 Sponsus, Redemptor, Conditor,
 Sux Gigas Ecclesiæ.

3.

Matris pudicæ gaudium,
 Immensa spes credentium,
 Per atra mortis pocula
 Qui nostra solvit crimina.

4.

DEO Patri sit gloria,
 Ejusqve soli Filio,
 Cum Spiritu Paraclito,
 Nunc, & per omne seculum.

VII.

In festo Visitationis.

INCERTI.

Metro præcedente,
 sed sine rhythmis.

1.

Æterne, gratias tibi
 Dicemus omnes, Conditor,
 Quod inter hostes plurimos
 Ecclesiam servas tuam.

2.

Et inter arma Gentium,
 Herodis & Satellites,
 Interqve turpis dogmata
 Erroris, & deliria.

3.

Servas Mariam Virginem,

Ca.

Castæ domumque Elisabeth,
 Quæ prædicat munus tuum
 Datumque CHRISTUM nunciat.

4.

Non Pontifex, non Principes,
 Etsi sciant oracula
 Vatum, Salutis organum
 Venisse noverant novæ.

5.

Sed dulcis hæc Elisabeth;
 Et Virginis congressio,
 Arcana promit ceteris,
 Verè DEUM colentibus.

6.

Alvoque fœtus conditus,
 Quem respuunt Antistites,
 Libenter agnoscit Ducem,
 Adorat & gestu suo.

7.

Hæc prima Synodus fuit,
 Testata de CHRISTO - DEO,
 Postquam statuto tempore
 Verbum DEI factum est Caro.

8.

Accensa testimonia
 In corde nostro talia
 Colat fides, & invocet
 CHRISTUM Mariæ filium,

9.

Opemque spe firmâ petat,
 Missumque credat à Patre,
 Ut invocantes adjuvet,
 Malisqve cunctis liberet.

VIII.

In Die S. Johannis Baptistæ

INCERTI.

Eodem metro,

sed neglectis quantitatibus & rhythmis.

1.
ATerno Patri gratias

Omnes canant Ecclesiæ,
 Qvod nuncium Verbi sui
Johannem nobis miserit.

2.

Hic mores exui malos
 Jussit, metuque Judicis
 Mox adfuturi, terruit
 Mentis superbas omnium.

3.

Rursusque percussas meta
 In spem novæ vitæ vocat,
 Et monstrat Agnum digito,
 DEum qui placat unicus.

4.

Hæc ille firmo pectore
 Docet, CHRISTUMQUE prædicat
 Venire: ceu Solem novum
 Prodire aurora nunciat.

5.

Nec Pharisæi Spiritum
 Fregerunt ingentem Viri.
 Elias alter hic fuit,
 Hypocritas hic arguit.

6.

Te summe rogamus Pater,
 Ut corda nostra fuscites,
 Ut verè possint credere
Johannis testimonio!

F

IX, De

IX.

De Angelis.

PH. MELANCHTONIS.

Metro Sapphico, sine elisionibus.

1.

Dicimus grates Tibi, summe rerum
 Conditor, summas, tua quòd Mini-
 (stros
 Flammeos finxit manus, Angelorum
 Agmina pura,

2.

Qui tuæ lucis radiis vibrantes,
 Te vident lætis oculis, tuasque
 Hauriunt vocès, Sapientiæque
 Fonte fruuntur.

3.

Hos nec ignavum finis esse vulgus,
 Nec per ingentes volitare frustra
 Ætheris tractus, temerè nec inter
 Ludere ventos.

4.

Sed jubes Christo Comites adesse,
 Et pios cœtus hominum tueri,
 Qui tuas leges venerantur, atque
 Discere curant.

5.

Impiis ardens odiis & irâ,
 Nam tuis castris Draco semper infert
 Bella, qui primus scelus atque mortem
 Intulit Orbi.

6.

Hic, domos, Urbes, tua templa, gentes,
 Et tuæ legis monumenta tota,
 Et bonos mores abolere tentat
 Funditus omnes.

7. In

7.

Interim sed nos tegit Angelorum
 Quæ Duce[m] CHRISTUM sequitur caterva,
 Atque grassantis reprimat cruenta
 Arma Draconis.

8.

Angeli Lothum Sodomæ tuentur,
 Inter infestos Elifæus hostes
 Angelis cinctus, nihil extimescit
 Bellica signa.

9.

Tutus est inter medios Leones
 Angelis septus Daniel Propheta,
 Sic tegit semper DEUS his Ministris
 Omnia nostra.

10.

Hoc tuum munus celebramus unâ,
 Et tibi noster chorus, Angelique
 Gratias dicunt, simul accinentes,
 Conditor alme.

11.

Et tuo templo vigiles ut addas
 Angelos semper, populoque, Gnati
 Qui tui verbum colit, obsecramus
 Pectore toto!

X.

Ode Pœnitentialis.

J. H. PAULLI *Auctore.*Metro præcedenti, *sine elisionibus.*

1.

ME satis nondum scio præparatum,
MO DEUS, rerum Pater alme! Sed te
 Hactenus semper tacuisse, tutum
 Fecit iniquum.

F 2

2. Con-

2.

Contumax erga bene me monentes,
Noxiis quantò magis abstinere
Distuli, tantò magis implicavi
Memet iisdem.

3.

Qui quidem culpam potui subire
Sponte, non ultrò tamen amovere:
Nunc, tuâ tandem bonitate fretus,
Serior adsum.

4.

Sed nimis lentè propero, meorum
Nec velut fas est scelerum recordor,
Dum datur vitæ fragilis cadivos
Carpere fructus.

5.

Negligo primum, nego sed secundum,
Tertium crimen temerè refuto,
Intimis hæret reliquum medullis
Vulnere cæco.

6.

Hinc nec errores penetro per omnes,
Rite perpendens mala quæ patravi,
Nec satis motûs animi rebelles
Comprimo mecum.

7.

Ah miser! fundo lachrymas nec ullas,
Impetu justo nec opem requiro,
Nec mihi cordi studium Salutis,
Quò recrearer.

8.

Interim nil me poterit juvare,
Puritas cordis, Pietasque vera,
Quamdiu defunt, Remanebit ergo
Hæc mihi meta.

FINIS DEC. VII.

DE.

DECAS OCTAVA
HYMNORUM

Sive
CANTICORUM

Vetervis Ecclesie.

I.

De Nomine JESU.

O JESU süß, wer dein gedenckt.

Jubilus Sti. BERNARDI.

(Metro Jambico dimetro acatalecto;
monocolo.

Rhythmis observatis,
sed neglectis quantitatibus.

I.
JESU, dulcis memoria,

Dans cordi vera gaudia,

Sed super mel & omnia

Ejus dulcis præsentia.

2.

JESU, dulcedo cordium,

Fons vivus, lumen mentium,

Excedens omne gaudium,

Et omne desiderium.

3.

Amor, JESU, dulcissimus

Es, & verè suavissimus,

Plus millies gratissimus,

Quàm dicere sufficimus.

4.

JESUS auctor Clementiæ,

Totius spes lætitiæ,

F 3

Dul-

Dulcoris fons & gratiæ,
Veræ cordis lætitiæ.

5
Tua, JESU, dilectio,
Grata mentis refectio,
Replens sine fastidio,
Dans famem desiderio.

6.
JESU, decus Angelicum,
In aure dulce canticum,
In ore mel mirificum,
In corde nectar cœlitum!

7.
JESU, summa benignitas,
Cordis mei jucunditas,
Incomprehensa bonitas,
Tua me stringat charitas!

8.
Bonum mihi diligere
JESUM, nil ultra quærere,
Prorsus mihi deficere,
Ut illi queam vivere.

9.
O JESU mî dulcissime,
Spes suspirantis animæ!
Te quærunt piæ lacrimæ,
Te clamor mentis intimæ,

10.
Quocunqve loco fuero
JESUM meum desidero,
Quàm lætus quum invenero,
Quàm felix quum tenuero.

11.
Jam quod quæsiui video,
Quod concupivi teneo,
Amore JESU langveo,
Et corde totus ardeo.

12. JESU

Hic
Tep
Plus

Amo
Tibi
Reg

Amo
Tu
JESU

Tu
Pelle
Dan

Et t
JESU
Et n

Quæ
Han
Et e

Cœl
A m
Cum

12.

JESUS QUUM SIC DILIGITUR

Hic amor non extingvitur,
 Tepescit, nec emoritur,
 Plus crescit, & accenditur.

13.

JESU, FLOS MATRIS VIRGINIS,

Amor nostræ dulcedinis,
 Tibi laus, honor Numinis,
 Regnum beatitudinis.

14.

TU MENTIS DELECTATIO,

Amoris consummatio,
 Tu mea gloriatio,
 JESU, mundi salvatio.

15.

TU FONIS MISERICORDIÆ,

Tu veræ lumen Patriæ,
 Pelle nubem tristitiæ,
 Dans nobis lucem gloriæ.

16.

TE CŒLI CHORUS PRÆDICAT,

Et tuas laudes replicat:
 JESUS ORBEM LÆTIFICAT,
 Et nos DEO PACIFICAT.

17.

IN PACE JESUS IMPERAT,

Quæ sensus omnes superat,
 Hanc mea mens desiderat,
 Et eâ frui properat.

18.

JESUS AD PATREM REDIIT,

Cœleste Numen adiit,
 A me Cor meum transiit,
 Cum JESU simul abiit.

19.

HUNC PROSEQVEMUR LAUDIBUS,

F 4

Vo.

JE.

Votis, hymnis, & precibus,
Ut nobis det cœlestibus
Secum potiri sedibus.

20.

Mane nobiscum, DOMINE,
Et nos illustra lumine,
Pulsâ mentis caligine,
Mundum replens dulcedine.

II.

De eodem Nomine JESU.

Jesu, meines Hertzens Freud, sey gegrüßet,

INCERTI.

Metro Trochaico dimetro catalecto,
sed neglectis quantitatibus.

1.

Salve cordis gaudium:
Salve JESU!

Pectoris incendium:
Salve JESU!

Animæ præsidium:
Salve JESU!

Bone *salve JESU!*

2.

Millies te cogito:
Veni Sponse,

Millies te quærito:
Veni Sponse,

Millies te flagito:
Veni Sponse,

Chare *veni Sponse!*

3.

Pasce me *uberibus:*
adens dulcescet,

La.

Lacta me uberibus :
 Cor liquescet,
 Mergo me visceribus ;
 Spes virescet,
 Vita repubescet.

4.

Nihil est te suavius :
 Suavis Amor,
 Nihil est te dulcius :
 Dulcis Amor,
 Nihil est te mitius :
 Mitis Amor.
 JESU *suavis Amor!*

5.

Rigeo, accende me,
 O Amator,
 Langveo, solare me,
 O Creator!
 Morior, defende me,
 O Salvator!
 JESU, *mi Salvator!*

III.

In festo Nativitatis Christi.

Ein Kind geboren zu Bethlehem.

PET. DRESDENSIS.

Metro Jambico dimetro acatalecto,

Rhythmis observatis,

sed neglectis quantitatibus.

I.

Puer natus in Bethlehem, *Bethlehem:*
 Unde gaudet Jerusalem,
 Haleluja, Hale, Haleluja!

F 5

2. Heie

2.

Heic jacet in præsepio, *præsepio*,
 Qvi regnat sine termino,
Haleluja, Hale, Haleluja!

3.

Cognovit Bos, & Asinus, *Asinus*.
 Qvod Puer erat DOMINUS,
Haleluja, Hale, Haleluja!

4.

Reges de Sabâ veniunt, *veniunt*:
 Aurum, thus, myrrham offerunt,
Haleluja, Hale, Haleluja!

5.

De matre natus Virgine, *Virgine*:
 Sine virili semine,
Haleluja, Hale, Haleluja!

6.

Sine Serpentis vulnere, *vulnere*:
 De nostro venit sanguine,
Haleluja, Hale, Haleluja!

7.

In carne nobis similis, *similis*:
 Peccato sed dissimilis,
Haleluja, Hale, Haleluja!

8.

Ut redderet nos homines, *homines*:
 DEO Sibi que similes,
Haleluja, Hale, Haleluja!

9.

In hoc natali gaudio, *gaudio*:
 Benedicamus DOMINO,
Haleluja, Hale, Haleluja!

10.

Laudetur Sancta Trinitas, *Trinitas*:
 DEO dicamus gratias,
Haleluja, Hale, Haleluja!

IV. In

IV.

In eodem festo.

INCERTI.

Metro Trochaico dimetro catalecto,
*monocolo circulari.*Rhythmis observatis,
sed neglectis quantitatibus.1.
Resonet in laudibus,

Cum jucundis plausibus,

Sion, cum fidelibus,

Apparuit quem genuit

MARIA.

2.

CHRI^STUS natus hodiè

Ex Mariâ Virgine,

Sine virili semine,

Apparuit quem genuit

MARIA.

3.

Pueri concinite,

Nato Regi psallite,

Voce piâ dicite,

Apparuit quem genuit

MARIA.

4.

Sion, lauda DOMinum,

Salvatorem Hominum,

Purgatorem criminum,

Apparuit quem genuit

MARIA.

5.

Sunt impleta Gabriel

Qvæ prædixit omnia, *Eja, Eja!*

Virgo DEUM genuit,

Qvem divina voluit

CLEMENTIA.

F 6

6. Ille

6.

Ille dixit Gabriel,
 Forè Verbum D Omini
 Nobis adiutorium.
 Nempe DEI Filius

E MANUEL.

7.

Hodiè apparuit,
 Apparuit. In Israël
 Rex est natus. Plaudite,
 Vocem vestram tollite:

HALELUJA!

V.

In eodem festo.

H. PRUDENTII.

Metro Trochaico tetrametro catalecto,
 (sed distinctis versibus)
dicolo composito, & circulari.
 Rhythmis & quantitatibus passim
 neglectis.

I.

COrde natus ex Parentis
 Ante mundi exordium,
 Alpha & O cognominatus
 Ipse fons & clausula,
 Omnibus, quæ sunt, fuerunt,
 Quæque post futura sunt
Seculorum seculis.

2.

O beatus ortus ille!
 Virgo quò puerpera
 Edidit nostram Salutem,
 Foræ Sancto Spiritu:
 Et Puer, Redemptor Orbis
 Os sacratum protulit,
Seculorum seculis.

3. Psal.

3.

Pfallat altitudo cœli,
 Pfallat omnis Angelus,
 Quicquid est virtutis usquam
 Pfallat in laudem DEI.
 Nulla lingvarum filescat,
 Vox & omnis consonet:
Seculorum seculis.

4.

Ecce, quem vates vetustis
 Concinebant seculis,
 Quem Prophetarum fideles
 Paginæ sponponderant,
 Emicat promissus olim,
 Cuncta collaudent eum,
Seculorum seculis.

5.

Te Senes, & te Juventus,
 Parvulorum te chorus,
 Turba Matrum Virginumque,
 Simples puellulæ,
 Voce concordēs, pudicis
 Perstrepent concentibus,
Seculorum seculis.

6.

CHRISTE, sit Tibi, cum Patre,
 Hagioque Pneumate,
 Laus, melos, hymnus, perennis
 Gratiarum actio,
 Virtus, Honos, & triumphus,
 Regnum æternaliter!
Seculorum seculis.

VI.

In festo Paschatos.

Erstanden ist der H. CHist.

INCERTI.

Metro Jambico dimetro acatalecto:

Rhythmis observatis, sed neglectis
quantitatibus.

1.

Surrexit CHRISTUS hodiè,
Hale, Haleluja!
 Humano pro solamine,
Hale, Haleluja!

2.

Mortem qui passus pridè,
Hale, Haleluja!
 Miserrimo pro homine.
Hale, Haleluja!

3.

Mulieres perterritæ
Hale, Haleluja!
 In Galilæam pergite,
Hale, Haleluja!

4.

Discipulis hoc dicite,
Hale, Haleluja!
 Surrexit CHRISTUS hodiè
Hale, Haleluja!

5.

In hoc Paschali gaudio,
Hale, Haleluja!
 Benedicamus DOMINO.
Hale, Haleluja!

6.

Laudetur Sancta Trinitas,
Hale, Haleluja!

DEO

DEO dicamus gratias.

Hale, Haleluja!

Canticum B. MARIÆ.

Meine Seel erhebt den HERRN.

Luc. I, v. 46.

I.

Magnificat anima mea DOMINUM :
Et exaltavit Spiritus meus in DEO
salutari meo.

2. Quia respexit humilitatem Ancillæ
suæ : Ecce enim ex hoc beatam me di-
cent omnes generationes.

3. Quia fecit mihi magna qui potens
est : Et sanctum Nomen ejus.

4. Et misericordia ejus à progenie in
progeniem timentibus eum

5. Fecit potentiam in brachio suo :
Dispersit Superbos mente cordis sui.

6. Deposuit Potentes de sede ; Et ex-
altavit humiles.

7. Esurientes implevit bonis : Et di-
vites dimisit inanes.

8. Suscepit Israël puerum suum :
Recordatus misericordiæ suæ.

9. Sicut locutus est ad Patres nostros :
Abraham, & semini ejus in secula.

10. Gloria Patri, & Filio, & Spiritui
Sancto !

11. Sicut erat in principio, & nunc,
& semper : Et in secula seculorum.

AMEN.

VIII.

Canticum ZACHARIÆ.

Gelobet sey der HErr, der Gott Israël.

Luc. I. v. 68.

I.

Benedictus DOMINUS DEUS Israël!
 Qui visitavit, & fecit redemptionem
 plebis suæ.

2. Et crexit Cornu Salutis nobis in
 domo David pueri sui.

3. Sicut loquutus est per os sanctorum
 qui à seculo sunt Prophetarum ejus.

4. Salutem ex inimicis nostris: Et de
 manu omnium qui oderunt nos.

5. Ad faciendam misericordiam Patri-
 bus nostris: Et memorari testamenti sui
 sancti.

6. Jusjurandum, quod juravit ad A-
 braham, Patrem nostrum, daturum se
 nobis.

7. Ut sine timore, de manu inimico-
 rum nostrorum liberati, serviamus illi.

8. In sanctitate & justitiâ eorum co-
 ram ipso, omnibus diebus nostris.

9. Et tu puer Propheta altissimi voca-
 beris: Præibis etiam ante faciem DOMI-
 ni, parare vias ejus.

10. Ad dandam scientiam Salutis plebi
 ejus: In remissionem peccatorum eo-
 rum.

11. Per viscera misericordiæ DEI no-
 stri: In quibus visitavit nos oriens ex
 alto.

12. II-

12. Illuminare his, qui in tenebris & in umbrâ mortis sedent: Ad dirigendos pedes nostros in viam pacis.

13. Gloria Patri, & Filio, &c.

IX.

Canticum Sanctorum.

AMBROS. & AUGUSTINI.

HErr GOTT dich loben wir.

TE DEUM laudamus,
 Te DOminum confitemur.
 Te æternum Patrem
 Omnis terra veneratur.
 Tibi omnes Angeli,
 Tibi cœli, & universæ potestates,
 Tibi Cherubim & Seraphim,
 Incessabili voce proclamant.
Sanctus, Sanctus, Sanctus
 DOminus DEus Zebaoth!
 Pleni sunt cœli, & terra,
 Majestatis gloriâ tuâ.
 Te gloriosus Apostolorum chorus,
 Te Prophetarum laudabilis numerus.
 Te Martyrum candidatus
 Laudat exercitus:
 Te per orbem terrarum
 Sancta confitetur Ecclesia,
 Patrem immensæ Majestatis,
 Venerandum tuum, verum & uni-
 (cum Filium,
 Sanctum quoque Paracletum Spiri-
 (tum.
 Tu Rex gloriæ, CHriste,
 Tu Patris sempiternus es Filius,
 Tu,

Tu, ad liberandum suscepturus hominem,
Non horruisti Virginis uterum.

Tu, devicto mortis aculco,
Aperuisti credentibus regna cœlo-
rum.

Tu ad dexteram DEI sedes in gloriâ
Patris,

Judex crederis esse venturus.

Te ergo quæsumus tuis famulis subveni,
Quos pretioso sanguine redemisti.

Æternâ fac cum Sanctis tuis
Gloriâ remunerari.

Salvum fac populum tuum, DOMINE,
Et benedic hæreditati tuæ.

Et rege eos, & extolle illos
Usque in æternum!

Per singulos dies benedicimus tibi,
Et laudamus Nomen tuum in se-
culum:

Et in seculum seculi.

Dignare, DOMINE, die isto
Sine peccato nos custodire.

Miserere nostri, DOMINE,
Miserere nostri!

Fiat misericordia tua, DOMINE, super
nos,

Quemadmodum speravimus in te!

In te, DOMINE, speravi,
Non confundar in æternum!

A M E N,

X. De

X.

De Die Novissimo.

INCERTI.

Metro Trochaico dimetro acatalecto:
*monocola.** Rhythmis observatis, sed neglectis
quantitatibus.

1.

Rex tremendæ Majestatis,
Qvi salvandos salvas gratis,
Salva me, fons pietatis!

2.

Cujus sensus totum nosse,
Cujus virtus totum posse,
Et perenne cuius esse:

3.

Patri compar Deitate,
Crucifixe, tumulate,
Rursus & resuscitate:

4.

Recordare, Jesu pie,
Causa quod sim tuæ viæ,
Ne me perdas illâ die!

5.

Quærens me sedisti lassus,
Redemisti cruce passus.
Tantus labor ne sit cassus!

6.

Iuste Vindex ultionis,
Donum fac remissionis,
Ante diem rationis!

7.

Ingemisco tanquam reus.
Culpam docet vultus meus.
Supplicantem juva DEUS!

8. Qvi

8.

Qvi MARIAM absolvisſi,
Qvi Latronem exaudiſti,
Mihi quoque ſpem dediſti.

9.

Oro ſupplex & acclivis,
Et contritus quaſi cinis,
Gere curam mei finis!

10.

Preces meæ non ſunt dignæ,
Sed, tu Bone, fac benignè,
Ne perenni cremar igne!

11.

Inter Oves locum præſta,
Et ab Hædis me ſequeſtra,
Statuens in parte dextrâ!

12.

Conſutatis maledictis,
Flammis acribus addictis,
Voca me cum benedictis!

13.

Illâ die, judicandus
Quum reſurget homo reus,
Mihi tandem parce DEus!

14.

Ut confors beatitatis
Vivam, cum justificatis,
In ævum perennitatis!

FINIS DEC. IIX.
ET ULTIMÆ.

Pro

Pro supplendis

pagellis vacuis

accedunt:

I.

Hymnus matutinus

G. BUCHANANI.

Metro Jambico dimetro acatalecto:

monocolo.

Rhythmis non observatis.

Ad CHRISTUM.

P

1.

Roles Parentis optimi,
Et par Parenti maximo,
De luce verâ vera lux,
Verusque de DEO DEus!

2.

En nox recessit, jam nitet
Aurora, luce præviâ
Cœlum, solumque purpurans,
Tenebricosa detegens.

3.

Sed fuscet ignorantia
Caligo nostra pectora,
Et nubilis erroribus
Mens pœnè cedit obruta.

4.

Exsurge, Sol purissime,
Lætumque mundo da diem,
Nobisque lumen afferens
Erroris umbram discute.

5.

Dissolve frigus horridum,
Aryumque nostri pectoris,

Pro

Cap

Calore lampadis tuæ,
Humore purga noxió!

6.

Ut irrigetur cœlitus
Roris beati nectare,
Et centuplo cum fœnore
Cœleste semen proferat.

II.

Hymnus Vespertinus.

ANT. FLAMMINIO Auctore,

Sed emendat. à J. H. PAULLI.

Metro præcedente.

I.

Jam Sol serenus occidit,
Densâque cum caligine
Jam Vesper ortus incipit
Diem tenêbris condere.

2.

Ergo Parentem luminis
Omnes precemur, ne sinat
Noctem suorum mentibus
Improvidis irrepere.

3.

Hinc supplices requirimus,
O summe Rector siderum!
Nunquam recedat intimo
Lux sempiterna pectore.

4.

Seu membra nostra languida
Somnus quiete recreat,
Soporis ipso tempore
Seu derelinquit lumina,

5. Ut

5.

Ut sensa cordis, omnia
Et dicta, facta, maximam
Noctes diesque prædicent
Tuam, DEUS, potentiam.

6.

Et sic repleti vivido
Fulgore Sancti Spiritus,
Amoris æstu fervido
Te diligamus perpetim.

7.

Nos donec ad cœlestium
Sedes beatas transferas,
Ibique tecum vinculo
Vivamus insolubili.

III.

Hymnus ad CHRISTUM.

J. H. PAULLI *Auctore.*

Eodem Metro.

Dilecte JESU, maximi

Æterna proles Numinis,
Quibus tuam Clementiam
Efferre possem laudibus?

2.

Tu summa linquens sidera
Mortale corpus induis,
Ut ipse terram deserens
Fiam cohæres cœlitum.

3.

Acerba quin & vulnera,
Crucisque dira sustines
Tormenta, nec foedissimam
Obire mortem denegas.

4. Mc

5. Ut

4.

Me, callidi gravissimè
Serpentis ore faucium,
Simul tuo purissimo,
Sanas, lavasque sanguine.

5.

Tu me, resurgens, mortuum
Tecum facis resurgere,
Ascensione præparas
Et sempiternam gloriam.

6.

Tu nec severi Judicis
Pro more, quid peccaverim,
Quid fecerim, quid dixerim,
Quid cogitarim, judicas.

7.

Sed me cadentem dexterâ
Tuâ potenti sublevas,
Ovemque quasi perditam
Me deviantem retrahis.

8.

Quovis es in discrimine
Comes fidelis, denique
Metum, dolores, lacrimas,
Mutas perenni gaudio.

9.

Non sic Parentes unicum
Queunt amare filium,
Quam tu, Tibi qui permanent
Semper fideles, diligis.

10.

Est ergo felix, Optime
Jesu, relictis omnibus,
Qui mente totâ se Tibi
In servitum devovet.

Se-

Seqvuntur
ADDITAMENTA
ALIA.

Libellô hóc Hymnorum, cum omnibus selectis, quæ hætenus mihi habere licuit, Collectaneis, ad finem perducto, & exemplaribus nonnullis divulgatis, operâ Viri admodum Reverendi STEPHANI DUBRAVII, mihi in manus incidit, sub titulo *Trifolii Sacri*, Exercitium Pietatis Quadripartitum, collectore *Serotino*, quod Jenæ ANNO MDC LXXVI. prodiit, cujus Folium tertium (ut appellatur,) *centum quinquaginta*, & plures, hujus generis Hymnos & Cantilenas Latinas rhythmicas continet. Ex quibus itidem præcipuas aliquot excerpte, variis in locis emendare, & cum paucis aliis, pro Decade *Nona & Decima* prioribus annectere visum fuit, donec omnes in secundâ emendatiori Editione, si quæ lucem aspexerit, in meliorem ordinem redigantur.

Quod ad quantitates Syllabarum attinet, NOTANDUM: illas interdum, propter rhythmos, & puri-

tatem Sermonis Latini, neglectos, interdum sine sensûs læsione, & maximâ obscuritate emendari non potuisse. Si enim *Dec. I. 2. v. 14. pag. 6.* loco vocabuli *tripudio*, cujus tres priores breves sunt, *solissimo*, quod idem est: aut *pag. 55. v. 6. lin. 2.* pro *visitare* *pergam*, *repedare* *pergam*, positum esset, quotusquisque illud, absque hæsitacione, & Dictionarii ope, potuisset intelligere? Et sic in ceteris. Quicumque tamen velit, e. g. *Dec. II. 10. v. 2. lin. 6.* pro *calamitas* fortè *scordia*, (quod mihi autem non probatur,) aut aliud nomen, penultimâ longâ, pro lubitu substituere, per me quidem licebit. Cujus rei et egomet ipse initium feci, post finitam hanc Editionem, plerasque omnes quantitates, Amici cujusdam monitu, accuratiùs examinando, uti videre est in calce

Libri, inter EMENDANDA.

ODE

ODE

In Hymnologiam
Sacram

JAC. HENR. PAULLI.

PIndarum rectè studet emulari
Optimus PAULLI, Charitum
Sacerdos,
Qui Novenarum decus est Sororum,
Unio Phœbi.

Dum chelyn pulsans digitis sacra-
tam,

Elaboravit bene dulce Carmen,
Vatibus priscis minimè ille cedit,
Fortius instat.

Regius Psaltes cecinit ꝑEHOVÆ
Cœlicos Hymnos; pietate PAULLI
Hos pari gaudet, celebris melodus,
Concinuisse.

Gratias ipsi meritas Apollo
Ritè decernit: Chorus Angelorum
Plaudit: hoc illi quoque gratulatur
Carminè parvo

G. FRANCUS
de FRANCKENAU.

DECADIS NONÆ
HYMNORUM

- I. Mecum bono Juventa.
 - II. DEUM piis, ô gens pia.
 - III. O nos nimis miscellos.
 - IV. Stabat Mater dolorosa.
 - V. O maximum Cordolium.
 - VI. Veni S. Spiritus, & emitte.
 - VII. Cur mundus militat.
 - VIII. Grates Tibi per Filium.
 - IX. Cordis ex sententia.
 - X. Siste somnum mens amica.
-

DECADIS DECIMÆ
HYMNORUM

- I. E pectoris profundo,
 - II. Sit laus in excelsis DEO.
 - III. Te, CHRISTE, supplex invocor.
 - IV. In te locatur spes mea.
 - V. Ah! mi DEUS.
 - VI. Non à DEO recedam.
 - VII. Ah! state CHRISTO dediti.
 - VIII. O CHRiste JESU præpotens.
 - IX. Fiat, DEUS quod destinat.
 - X. Mens triumphando triumphat.
-

IN ADDITAMENTIS.
prioribus
post Decad. VIII.

- I. Proles Parentis optimi.
 - II. Jam Sol serenus occidit.
 - III. Dilecte JESU, maximi.
-

INDEX

Hymnorum Germanicorum

DECAD. Nonæ & Decimæ.

- A**ch GOTT und Herr.
 Ah! mi DEUS. Dec. X. 5.
Ach lieben Christen seydt getrost.
 Ah! state Christo dediti. Dec. X. 7.
Allein GOTT in der Höh sey Ehr.
 Sit laus in excelsis DEO. Dec. X. 2.
Aus meines Hertzen Grunde.
 E pectoris profundo. Dec. X. 1.
Du Frieden Fürst HERR JESU Christ.
 O CHRISTE JESU præpotens. Dec. X. 8.
Freu dich sehr, ô meine Seele.
 Mens triumphando triumphat. Dec. X. 10.
Helst mir GOTTES Güte preysen.
 Mecum bono iuventa. Dec. IX. 1.
Ich dancke dir schon.
 Grates Tibi per Filium. Dec. IX. 8.
Ich ruff zu dir H. JESU Christ.
 Te, Christe, supplex invoco. Dec. X. 3.
In dich hab ich gehoffet HERR.
 In te locatur spes mea. Dec. X. 4.
Lobt GOTT Ihr Christen all zugleich.
 DEUM piis, ô gens pia. Dec. IX. 2.
O Traurigkeit, ô Hertzeleyd.
 O maximum Cordolium. Dec. IX. 5.
O wir armen Sünder.
 O nos nimis misellos. Dec. IX. 3.
Singen wir aus Hertzen Grund.
 Cordis ex sententiâ. Dec. IX. 9.
Von GOTT will ich nicht lassen.
 Non à DEO recedam. Dec. X. 6.
Was mein GOTT will, das gescheh allzeit.
 Fiat, DEUS quod destinat. Dec. X. 9.
Werde munter mein Gemütthe.
 Siste somnum mens amica. Dec. IX. 10.

DECAS NONA
H Y M N O R U M
 translatorum à SEROTINO,
 & aliis.

I.

Hymnus Anniversarius*Helft mir Gottes Güte preysen.***SEROTINO** *Interprete.*

Sed emendat à J. H. PAULLI.

MELODIA GERMANICA.**Metro Anacreontico & Jambico**dimetro brachycatalecto : *dicolo.*

I.

Mecum bono, Juventa,
 Laudes DEO cane!
 Hymnos ei frequenta,
 Et gratias age!
 Nam convenit modò,
 Dum finit Annus horas,
 Nostrasque Sol in oras
 Anno redit novo.

2.

Quid præstet exputemus
 Divina gratia,
 Parvi nec æstimemus
 Immensa munera:
 Ut immerentibus
 Largitus usque victum;
 Largitus est amictum,
 Pellens malum DEUS.

3. Tem-

3.
 Templi, Scholæ, Foriqve
 Defensor exstitit,
 Hominis bonus cujusqve
 Nutritor adfuit,
 Largâqve dexterâ,
 Sua dona dissipavit,
 Ab hoste liberavit
 Villas, & oppida.

4.
 Remisit ille facta
 Quæ perpetravimus:
 Si justus antea
 Multasset, omnibus
 Par pensitans pari,
 Nostrûm quis haut obisset,
 Plagisque non perisset,
 Semper neqvissimi?

5.
 Nos patrio favore
 Protexit hactenus.
 Si nostra cum dolore
 Delicta plangimus,
 CHristo dati fide:
 Vel universa tollit,
 Vel flagra dura mollit,
 Servatqve nos piè.

6.
 Ob dona tam paterna,
 Per Filium tuum
 Freqventer erogata,
 Te psallimus DEum!
 Porroqve poscimus,
 Largire faustitatem,
 Averte vastitatem,
 Sit victus omnibus.

II.

In Nativitate Christi.

*Lobt Gott Ihr Christen all zugleich.*SEROTINO *Interprete.**Sed emendat. à J. H. PAULLI.*Metro Jambico dimetro acatalecto, &
brachycatalecto: *dicolo.*

1.

DEum piis, ò gens pia,
Extolle laudibus!Cœli recludit atria,
Datusque Filius,
Datusque Filius.

2.

Procedit è sinu Patris
- Infantulus tener,
Præsepe nudus ad Bovis
Et sternitur miser. *(bis.)*

3.

Vires suas abscondidit
Agendo Subditum.
Servile corpus induit
Creator omnium. *(bis.)*

4.

Vult lac, sibi sit, uberum
Matris suæ, cibus:
Et Angelis fert gaudium,
Ramus Davidicus. *(bis.)*

5.

E stirpe cujus surgeret
In fine seculi:
Per quem JEHOVA conderet
Regnum, gregem sibi. *(bis.)*

6, In.

6.

Inexplicabili vice

Fit sanguis & caro.

Tandemque nos in æthere,

Reddet pares DEO. (bis.)

7.

Hic Servus est, Heros ego,

Mirabilem vicem!

Humanior dic quomodo

JESUS foret quidem. (bis.)

8.

Sic rursus horto limina

Patent Edenio,

Abestque Cherub. Maxima

Sit usque laus DEO. (bis.)

III.

De Passione CHRISTI.

*O Wir armen Sünder.*J. H. PAULLI *Interprete.*

Metro Anacreontico, & Jambico dimetro

brachycatalecto, quorum hoc in se-

cundâ regione heic etiam Spon-

daum recipit: discolo.

Rhythmis non observatis.

1.

O Nos nimis misellos!

Ceu quorum crimina,

Queis gignimur, quibuscum

Et cuncti nascimur,

Sunt causa tot malorum

Et tot discriminum,

G 5

Ge

Ut simus inde mortis
 Aeternæ Subditi.

Kyrie - Eleyson! CHriste - Eleyson!
Kyrie - Eleyson!

2.

A morte liberari
 Labore proprio,
 Immensa quum vetaret
 Peccati copia,
 Nec posset expiari:
 Tunc ipsum Filium
 DEI fuit necesse
 Pro nobis emori.

Kyrie - Eleyson! &c.

3.

Si non proinde CHristus
 Venisset cœlitus,
 Et nostra factus esset
 Caro, nec mortuus
 Fuisset, ut reatus
 Nostros exstingveret,
 Sucumberemus omnes
 Damnati perpetim.

Kyrie - Eleyson! &c.

4.

Hanc interim paternam
 Nobis clementiam
 DEus dat, idque gratis,
 Et CHristi Filii
 Amore, pro salute
 Qui semet omnium,
 Crucis lubens acerbam
 In mortem tradidit.

Kyrie - Eleyson! &c.

5.

Solamen illud esto
 Nobis peccantibus,

Ne

Ne mortis aut gehennæ
Metus nos obruat.
Nam proflus è periclis
Nos CHRISTUS eruit,
Colendus absqve fine
Seclorum seculis.

Kyrie - Eleyson ! &c.

6.

Ergo DEUM supremum
Semper laudabimus.
Patremqve, Filiumqve,
Et Sanctum Spiritum
Orabimus, benignè
Ut nos custodiat,
Non auferatqve nobis
Verbum sanctissimum !

Kyrie - Eleyson ! &c.

IV.

De Matre CHRISTI sub Cruce.

CANTICUM

Vet. Ecclesie.

Metro Trochaico dimetro acatalecto
& catalecto: *dicolo.*

Rhythmis observatis,
sed neglectis quantitatibus.

I.

STabat Mater dolorosa
Juxta crucem lacrumosa,
Dum pendebat Filius,
Cujus animam gementem
Contristantem, & dolentem
Pertransiit gladius.

G 6

2, O quàm

2.

O quàm tristis & afflicta
 Fuit illa benedicta,
 Mater Unigeniti!
 Quæ mœrebat, & dolebat,
 Et tremebat, quum videbat
 Nati pœnas incliti.

3.

Quis est homo qui non fletet,
 Christi Matrem si videret
 In tanto supplicio?
 Quis non posset contristari,
 Piam Matrem contemplari,
 Dolentem cum Filio?

4.

Pro peccatis suæ gentis
 JESUM vidit in tormentis,
 Et flagellis subditum:
 Vidit suum dulcem Gnatum,
 Morientem, desolatum,
 Emittendo Spiritum.

5.

JESU, precor istud agas,
 Crucis tuæ fige plagas
 Cordi meo validè!
 Tui cordis vulnerati
 Tam parati pro me pati
 Pœnas mecum divide!

6.

Fac me verè quoque flere,
 Matri tuæ condolere,
 Donec ego vixero:
 Fac me juxta Crucem stare,
 Illi nam me sociare
 In planctu desidero.

7. Fac

7.

Fac me cruce custodiri,
 Morte tuâ præmuniri
 Confoveri gratiâ,
 Quando corpus morietur,
 Fac ut animæ donetur
 Paradisi gloria!

V.

De Sepultura Christi.

O Traurigkeit! O Hertzweyd!

JOH. RISTII.

SEROTINO *Interprete.*

Sed emendat. à J. H. PAULLI.

Metro Jambico monometro acata-
 lecto, & Anacreontico, *item*: Trochaico
 dimetro catalecto, & brachycata-
 lecto: *quadricolo.*

Rhythmis probè observatis,
 sed neglectis passim quantitativis.

1.

O maximum
 Cordolium!

Quid hocce? Quid patratum?

Filius DEI Patris

Ecce funeratur.

2.

O rem gravem,
 DEI necem!

Is in crucem levatur,

Nos amans, cœlestia

Morte qui lucratur.

G 7

3. Ter-

3.

Terrigena
 Hoc, en! tua
 Peccata procrearunt,
 Tanta dum te crimina
 Inferis dicarunt.

4.

Sponsus tuus,
 Sanctissimus
 Agnus DEI, cruore
 Tinctus est, quem largiter
 Fudit ex amore.

5.

O labium
 Dulcissimum!
 Sic quando verberaris
 Jure condolentiam
 Omnium mereris.

6.

O Virginis
 Amabilis
 Fuer! tui calorem
 Sangvinis qui ponderat
 Sentiet dolorem.

7.

Beatus is
 Præ ceteris,
 Qui corde servat imo,
 Quomodò Rex Gloriæ
 Conditur sepulchro.

8.

JESU, mea
 Spes unica,
 Te lacrimis rogabo,
 Sim tui non immemor
 Donec hæc peribo.

VI.

CANTICUM

Vet. Ecclesia.

Ad Spiritum Sanctum.

Metro Trochaico dimetro catalecto:

*monocolo.*Rhythmis observatis, sed neglectis
quantitatibus.

1.

Veni Sancte Spiritus,
Et emitte cœlitus
Lucis tuæ radium.

2.

Veni pater pauperum,
Veni dator munerum,
Veni lumen cordium!

3.

Consolator optime,
Dulcis hospes animæ,
Dulce refrigerium.

4.

In labore requies,
In æstu temperies,
In fletu solatium.

5.

O Lux beatissima,
Reple cordis intima
Tuorum fidelium!

6.

Sine DEI Numine
Nihil est in homine,
Nihil est innoxium.

7.

Lava quod est sordidum,

Riga

Riga quod est aridum ,
Sana quod est faucium ,
8.

Flecte , quod est rigidum ,
Fove , quod est frigidum ,
Rege , quod est devium .
9.

Da tuis fidelibus ,
In te confidentibus ,
Sacrum Septenarium .
10.

Da Virtutis meritum ,
Da Salutis exitum ,
Da perenne gaudium !

VII.

De Vanitate rerum

humanarum

B. JACOPONI.

Metro Jambico dimetro brachycatalecto:
monocolo.

Rhythmis alternis . sed neglectis
quantitatibus .

Cur mundus militat
1.

Sub vanâ gloriâ.

Cujus prosperitas

Est transitoria ?

Tam citò labitur

Ejus potentia

Quàm vasa figuli ,

Quæ sunt fragilia .
2.

Plus crede literis

Scriptis in glacie ,

Quàm

Qvàm mundi fragilis
 Vanæ fallaciæ :
 Fallax in præmiis ,
 Virtutis specie ,
 Qvi nunquam habuit
 Tempus fiducia.

3.

Credendum magis est
 Vitris fallacibus ,
 Qvàm mundi miseris
 Prosperitatibus ,
 Falsis infomniis
 Et vanitatibus ,
 Falsisque studiis
 Et voluptatibus.

4.

Dic , ubi Salomon
 Olim tam nobilis ,
 Vel nunc ubi Samson ,
 Dux invincibilis ,
 Vel pulcher Absolon
 Vultu mirabilis.
 Vel dulcis Jonathan
 Multùm amabilis ?

5.

Qvò Cæsar abiit
 Celsus imperio ,
 Vel dives splendidus
 Totus in prandio ?
 Dic ubi Tullius
 Clarus eloquio ,
 Vel Aristoteles
 Summus ingenio ?

6.

Tot clari proceres ,
 Tot retrò tempora ,
 Tot ora Præfulura

Tot

Tot Regna fortia :
 Tot mundi Principes ,
 Tanta potentia ?
 In istu oculi
 Clauduntur omnia.

7.
 Qvàm breve festum est
 Hæc mundi gloria :
 Ut umbra hominis ,
 Sic ejus gaudia.
 Qvæ semper subtrahunt
 Æterna præmia ,
 Et ducunt hominem
 Ad dura devia.

8.
 O esca vermium ,
 O massa pulveris ,
 O flos , ô vanitas ,
 Cur sic extolleris ?
 Ignorans penitens
 Utrum cras vixeris ,
 Bonum fac omnibus ,
 Qvamdium poteris.

9.
 Hæc mundi gloria
 Qvæ magni penditur ,
 Sacris in literis
 Flos fœni dicitur :
 Ut leve folium ,
 Qvod vento rapitur ,
 Sic vita hominum
 Luci subtrahitur.

10.
 Nil tuum dixeris
 Qvod potes perdere :
 Qvod mundus tribuit
 Intendit rapere.

Superna cogita ,
 Cor fit in æthere.
 Felix qui potuit
 Mundum contemnere.

VIII.

Hymnus matutinus

Ich dancke Dir schon.

JAC. HENR. PAULLI

Interprete.

Metro Jambico dimetro acatalecto, &
 Anacreontico: *dicolo.*

1.

GRates Tibi, per Filium,
 Volo, DEUS, dicare,
 Qvod me dièi redditum
 Dignatus es beare.

2.

Qvâ nocte me circumstetit
 Caligo, crimen omne
 Et conscium circumdedit,
 Ut perderet malignè.

3.

Hinc oro toto pectore,
 Peccata tolle cuncta,
 Qvæ semper à me pessimè
 Dum vivo, sunt patrata.

4.

Hâc luce porrò protege
 Multis malis ligatum,
 Non Hostis ut me callidè
 Deturbet in barathrum.

5.

DEI voluntas dirigat
 A me qvod exeqvendum:

Et

Et omne prorsus auferat
Mihî quod imputandum.

6.

Nam do Tibi, cum corpore,
Mentem, DEUS, precorqve
Quâvis in ægritudine
Adsis, juvesqve promptè.

7.

Ne me, satis jam debilem,
Pessundet Hostis Orbis:
Si quippe Tu non fers opem,
Expers ero vigoris.

8.

Summo Patri sit gloria,
Cum Filio coævo,
Et Flamini, per secula!
Soli DEO Tri - Uni.

IX.

Hymnus meridianus

Singen Wir aus Hertzlen Grund.

SEROTINO *Interprete.*

Sed emendat. à J. H. PAULLI.

Metro Trochaico dimetro catalecto:
monocola.

CORDIS ex sententiâ

Jam canemus Cantica!
Nam DEUS cibaria
Dans cuius optima,
Singulari gratiâ,
Cuncta nostra corpora
Hâc cibavit horulâ.

2. Hunc

2.

Hunc Herum sed laudibus
 Servuli dum tollimus,
 Charitatem discimus
 Ejus, & cognoscimus,
 Membra quorum carnibus
 Facta sunt & ossibus,
 Differuntque vultibus.

3.

Fœtus exit quàm citò,
 Est parata partio,
 Ventre Matris intimo
 Fingiturque sedulo:
 Parvulus fit Embrio
 Is licèt, tamen suo
 Neutiquam caret cibo.

4.

Dat DEUS, proventuum,
 Copiamque fructuum.
 Alta stillant montium,
 Terra præbet pabulum:
 Dulce nec minùs merum,
 Atque panis, omnium
 Esca fit mortalium.

5.

Unda pisces dat bonos,
 Hi que mensis sunt honos.
 Ova ponit, pullulos
 Ales excludens suos:
 Quos DEUS, juvenculos
 Tum boves, & hinnulos,
 Esse vult nobis cibos.

6.

Sic Eum si prædicas,
 Spiritum si que invocas
 Prorsus hæc ut imbuas,
 Inque CHRISTO servias.

Et

Et lubens obedias,
Hôc DEO Tu debitas
More psalles Gratias.

7.

Gratias has psallimus,
Qui famen sedavimus,
Teque Patrem plausibus,
Et tuum concentibus
Nomen invocabimus:
Atque lætis cordibus
Sic AMEN cantabimus.

X.

Hymnus Vespertinus

Werde munter mein Gemütbe.

JOH. RISTII.

J. H. PAULLI *Interprete.*

MELODIA GERMANICA.

Metro Trochaico dimetro acatalecto,
& catalecto: *discolo.*

1.

Siste somnum, Mens amica,
Excitatis Sensibus!
Laudibus sunt efferenda
Quæ tibi dedit DEUS,
Luce totâ quando me
A malorum pondere
Liberavit, & levavit;
Satanam retrò fugavit.

2.

Gratias Tibi canemus,
Auctor almæ gratiæ!
Quippe, res omnes habemus
Absolutas prosperè:

Su-

Sustulisti crimina ,
 Atque providentiâ
 Nos tuâ circumdedisti ,
 Hostibus gravis fuisti.

3.

Nulla lingua proloquetur
 Tam beata munera :
 Svada Rhetoris siletur ,
 Præ bonorum copiâ :
 Dona tanta sunt tua ,
 Terminô carentia :
 Per tuam directionem
 Dæmonis declino fraudem.

4.

Ecce! lux hæc nunc recedit ,
 Tristis & nox ingruit ,
 Sol in æqvor se recepit ,
 Et sub undis occidit.
 O Parens , assistito
 Splendidô solatiô ,
 Frigidum cor ut caleseat ,
 In tenébris nec labascat.

5.

Iuste Judex , gratiosè
 Ah! remitte singula
 Quæ patravit otiosè
 Cor! Sed aufer toxica ,
 Satanæ ludibriô
 In Stygem queis irruo.
 Unus es , qui liberare
 Me vales , & sospitare.

6.

Castra sancta dereliqui ,
 Hem! revertor protenus :
 Abstulit sed hoc iniqui ,
 Morte , Filius tuus.

Non

Su-

Non negabo debita;
Sed DEI Clementia
Major est omninò factis
Pessimis, à me peractis.

7.

Sempiterna lux, piarum
Tuqve splendor mentium,
Hujus, atqve plurimarum
Fax mihi sis noctium,
Dux & in caligine!
Usqve mecum permane!
Nam repletus sum dolore,
Sed tuo felix amore.

8.

Hostis infernalis, euge!
Qvi tenébris præsidet,
Fortiter disrumpe rete,
Anxium ne territet.
Vera lux! ne transeas,
Meqve semper protegas.
Qvamdium Te possidebit
Cor meum, nihil timebit.

9.

Illud ipsum, lassitudo
Qvum soporem corpori
Procreabit, esse præstò
Debet, à Te corrigi
Ut queat. Solum mea
Offerant insomnia
Te mihi, qvi somnolentus
Te vereri sum paratus.

10.

Hâc mihi da, posse tutum,
Nocte me quiescere:
Et benignè fac, molestum
Si quid est, discedere.

Vita)

Vita, Conjux, Liberi,
Sicut omnes proximi,
Quin & hostes, quæque parta,
Cuncta sunt tibi dicata.

11.

Terror omnis hinc abesto,
Omne damnum dimove;
Noxius nec morbus esto:
Martis arma projice!
Ignis, Unda, pessimâ
Cumque pestilentia,
Mors, procul sint. Tuque contra
Spiritus, Corpusque serua!

12.

O DEUS! preces piorum
Audias, & subleves:
CHRISTE JESU, Rex honorum,
Qui mihi solamen es,
Auctor & Dux omnibus!
Tuque Sancte Spiritus,
Utriusque dulce flamen,
Quod rogo præstabis! AMEN.

FINIS DEC. IX.

H

DE-

DECAS DECIMA
H Y M N O R U M

translatorum à SEROTINO,
sed emendatorum à J. H. PAULLI.

I.

Hymnus matutinus

Aus meines Hertzen Grunde.

Metro Anacreontico, & Jambico
dimetro brachycatalecto: *discolo.*

I.

E Pectoris profundo
Grates tibi fero,
Diluculo sub isto,
Et donec heïc ero.
Rex JOVA cœlitum!
Tua summa laus, tuusque
Honor viget, decusque,
Gnatum per unicum.

2.

Tuâ benignitate,
Tot in periculis,
Me labe noctis atræ
Quòd vindicaveris,
En! supplico tibi:
Culpam mihi remitte,
Per tempus omne vitæ
Quâ te lacessii!

3.

Totâ simulque luce
Me fortis assere
A Satanæ furore,
Omniqve crimine:
Ab igne, fluctibus,

In

Intamiâ , fameqve ,
A vinculis , citaqve
A mortis ictibus.

4.

Corpus , Cor , ipsa Vita ,
Salus domestica ,
Opesqve , sint amicâ
Sub dexterâ tuâ ,
Et omne , quô fruor :
Fratres , Parensqve , cuncti
Propinqvitate juncti ,
Te dante queis juvor.

5.

Stipatus Angelorum
Fac usqve sim choris :
Ne Dæmonum malorum
Irretiar plagis ,
Per fraudulentiam
Qui me frequenter angunt ,
Corpusqve , corqve tangunt ;
Ut turpiter cadam.

6.

Deliberationes ,
Arbitrio DEI ,
Et expeditiones
Nitantur ! ac Ei
Omnes obediant :
Mens , membra , tota vita ,
Illius expetita
In jussa transeant.

7.

His AMEN addo lætus ,
Nil corde fluctuans ,
Me JOVA quin benignus
Conservet : allevans
Tendoqve dexteram ,
Et inchôo laborem ,

H 2

Jux.

Juxta vocationem
Divinitus datam.

8.

Nunc gratiis colemus
Ac laudibus DEum !
Datore quô tenemus
Plus mille munerum.
Et quæsumus piè,
Ut sede nos supernâ,
Donetque sempiternâ
Beatitudine.

II.

Gloria in Excelsis DEO.

Allein Gott in der Höh sey Ehr.

Metro Jambico dimetro acatalecto,
& Anacreontico: *dicolo.*

1.

Sit laus in excelsis DEO,
Gratesque pro favore!
Ullo nihil nam seculo
Nobis potest nocere.
Dum nos Tri-Unus respicit,
Pacemque terris intulit,
Nunc finis est duelli.

2.

Grates agendo Te, PATER,
Laudamus, & precando:
Constans, potens, & Arbiter
Æternus es, regendo.
O Numen absque termino!
Quodcunque vis fit ilicò:
Te Rege nos beamur.

3. O NA

3.

O NATE PATRIS unice,

Sedator ô severæ,

Tot perditorum crimine

Qvæ concitatur, iræ!

Qvi sanctus Agnus es DEI,

Non immemor periculi

Manebis usqve nostri.

4.

Solator alme, SPIRITUS,

Summum bonumqve! tutos

A Dite fac nos, qvæsumus,

CHRISTI cruore lotos,

Et propter ejus vulnera

Averte qvæqve noxia!

Hoc seriò precamur.

III.

De Vitâ Christiano
dignâ.*Ich ruff zu dir Herr JESU Christ.*

Metro Jambico dimetro acatalesto, &

Anacreontico, *item*: Trochaico mo-

nometro acatalesto, & Jambico

dimetro brachycatalesto:

polycolo.

I.

TE, CHRISTE, supplex invoco,

Audi precor vocantem:

Præbeqve clemens obsecro

Nunc te mihi faventem!

Rectâqve faxis semitâ

Me semper ambulare,

Et manere:

H 3

Tum

Tum proximo, tua
Ad iussa, comanodare.

2.

Id ampliùs rogo, DEus,
Qvod non neges petenti,
Ne nempe fiam dedecus,
Spe ducar aut inani:
In fine vitæ maximè
Ut te fideprehendam,
Nec reponam
In me potissimè
Spem, postmodùm dolendam.

3.

Da me, lubenti pectore,
Omnes iniquitates
Sic hostibus remittere,
Sicut mihi remittes.
Vitam novam concedito,
Novam simulqve mentem,
Te sequentem:
Verboqve pascito
Me, fulciens trementem.

4.

Agat pavor nec devium,
Cupido nec proterva,
Tibi sed usqve deditum
Dextrâ potente serva!
Nam quæ merâ das gratiâ,
Nemo potest creare,
Nec parare,
Hereditariâ
Nec lege postulare.

5.

In continenti prælio,
Dum versor, ô minorem

JE-

Jesu juva! cohæreo
 Tibi: valentiozem
 Me redde! Sortis anxie
 Quum sævient procellæ,
 Tu repelle!
 Fas esto credere
 Te posse teque velle.

IV.

In rebus angustiis.

In dich hab Ich gehoffet Herr.

Metro Jambico dimetro & monometro,
 acatalectis, & Anacreontico:
tricolo.

1.

IN te locatur spes mea,
 Rerum Parens, infamiâ
 Fac ne noter pudendâ!
 Quæso, tuæ
 Me gratiæ
 Sinu fonte serva!

2.

Aurem benignam supplicî
 Festinus admove preci,
 Accurre liberatum!
 In anxio
 Metu cubo;
 Me solve terrefactum!

3.

Adiste, Protector DEUS,
 Et cincta sis Arx mœnibus,
 Ad ritè dimicandum
 In hosticam
 Vim, concitam,
 Ad damna utrinque dandum!

4.

Tu vis, falus, rupes mea,
 Sacrâ docente paginâ,
 Tu robur, umbo, scutum:
 Qvis ad tuum,
 Se perditum,
 Nollet parare nutum ?

5.

Mendaciis, per omnia,
 Fallaciarum retia
 Tendit dolosa Mundus:
 Tu me rege,
 Nec has sine
 Fraudes habere pondus !

6.

Depono spiritum, DEUS,
 Meum tuas nunc in manus,
 Fidelium Patrone,
 Non horulæ
 Sub ultimæ
 Me deferas agone !

7.

Sit laus, honor, decus, Patri,
 Nato, simulqve Flamini,
 Et sit piis levamen:
 Vires novas
 Det Trinitas,
 Ne subjugemur ! AMEN.

V. Ode

V.

Ode Pœnitentialis

*Ach Gott und Herr.*Metro Jambico monometro acatalecto,
& Anacreontico: *dicolo.*

1.

AH! mî DEus,
Quantum scelus
Mentem meam molestat!
Nam nil opis
Angustiis
Isthoc in Orbe restat.

2.

Ad ultimas
Licet plagas
Mundi patentis irem:
Quærens meis
Finem malis,
Eum nec invenirem.

3.

Te, te peto,
Mihi reo
Ignosce perpetratum!
Iram leva:
Me libera,
In Filio renatum!

4.

Sin judicas
Meum nefas
Quod pœna consequatur:
Hec fulmina,
Illic bea,
Hec omne puniatur.

5.

Da perferens,
Et obsequens

H 5

Cor,

Cor, ac remitte culpam :
 Ne funditùs ,
 Qvod sæpius
 Fit, me strependo perdam.

6.

Me ducito
 Nutu tuo !
 Stat cuncta sustinere ,
 Dum me tuô
 Non in polo
 Vultu finas carere.

7.

Ut in cavam
 Arbusculam
 Se tristis ales abdit ,
 Qvum nubila
 Sunt æthera ,
 Homo , pecus timefcit :

8.

JESU, tuum
 Vulnus sacrum
 Sic & mihi patefcit.
 Mors, & nefas:
 Spirent minas,
 Mea mens ibi qviescit.

9.

Hæc hæreo ,
 Nec avolo ,
 Qvàm corpus atqve mentem
 Hinc ad DEum ,
 Et in polum
 Præmifero nitentem.

10.

Nunc triplici
 Laus Numini ,

Qvod

Quod est meum levamen :
 Nec ambigo ,
 Fidens DEO ,
 Quin sim beatus. AMEN!

VI.

Ode Consolatoria

Von Gott will Ich nicht lassen.

Metro Anacreontico, & Jambico dimetro
 brachycatalecto : *dicolo.*

I.

NON à DEO recedam ,
 Non deferente me !
 Prælucet ille tædam
 Per invium viæ ;
 Tenetqve brachio ,
 Crepusculo sub imo ,
 Diluculoqve primo ,
 Quocunqve sim loco.

2.

Quum mobilis fugatur
 Mortalium favor ,
 Constante immoratur
 DEI potens Amor ;
 Necessitatibus
 In omnibus juvantis ,
 Probroqve liberantis ,
 Mortisque legibus.

3.

Illum gravi quietus
 Sperabo tempore.
 Nec pœnitet : Benignus
 Potest repellere

H 6

Ad.

Adversa qualibet.
 Mens, Corpus, atque Vita,
 Manent DEO dicata,
 Fiat quod is volet.

4.

Ipsi placebit unum
 Mihi quod utile:
 Cunctis favendo, CHRISTUM,
 Ejusque nomine,
 Nobis dat omnia,
 Quæ corpus atque mentem
 Alunt, DEUM potentem
 Laudate sidera!

5.

Hunc laudet ore, totâ
 Et mente, qualibet!
 Quâ prædicatur, Hora,
 Est sancta scilicet
 Hæc sola: nam perit
 Quod tempus haut perenni
 Impenditur Saluti,
 Ut cuique competit.

6.

Quum mundus hic peribit,
 Mundi que gloria:
 Pessum minus nec ibit
 Opum potentia.
 A morte, tradimur,
 Et ossa nostra, terræ,
 Donec, DEO volente,
 Resuscitabimur.

7.

Beata mens refertur
 In Abrahæ sinum,
 Et Corpus innovatur,
 Expersque criminum

Ip-

Infans erit DEI:
 Hereditate, quâ nos
 Dæmon nequit, receptos,
 Vctare perfrui.

8.

Ergo, mihi merenti
 Hęc si quid accidit,
 Seclo tamen sequenti
 Nil est, quod impedit
 Æterna gaudia.

Tunc absque fine, CHRISTUM
 Qvòd noverim, per istum,
 Parata gloria,

9.

Hęc dona PATRIS almi,
 Creantis omnia,
 Et FILII cœvi,
 Cui cuncta subdita,
 Sunt, atque SPIRITUS,
 Nos in fide regentis,
 Cœloque præparantis,
 Cui laus, Honos, decus!

VII.

Alia Ode Consolatoria
 tempore Pestis.

Ach lieben Christen seyd getroßt.

Metro Jambico dimetro acatalecto, &
 Anacreontico: *dicolo.*

I.

AH! state CHRISTO dediti,
 Cedant procul pavores!
 Nos dum premit manus DEI,
 Sic intonemus omnes:

H 7

Ob-

Obnoxii fumus gravi
Pœnæ, rei sunt singuli,
Exemptus est nec ullus.

2.

Tuæ sacramur dexteræ,
DEUS, Pater fidelis:
Nostræ penes Te sunt viæ,
Nil restat hæc egenis,
In hæc moramur dum casâ
Nos indies premunt mala,
Bonum perenne tecum.

3.

Non grana surgunt tritici,
Tellure nî subacta,
Sic ossa nostra, sint nisi
In pulverem redacta,
Non induuntur gloriâ,
CHRISTUS suâ quam semitâ
Paravit ad Parentem.

4.

Mortem quid extimescimus
Hoc ergo nunc in Orbe?
Mori necesse est omnibus.
O quàm beatus ille,
Cum *Simeone* lumina
Qui claudit, atque crimina
Deflens ad astra tendit.

5.

Mentem tuam sic dirige
Et corpus, Angelorum
Ut gaudeas tutamine,
Fidens DEO, bonorum:
Gallina mater ut suos
Abscondit alis parvulos,
Sic nos tegit JEHOVA.

6. Seu

6.

Seu vita, seu mors imperat,
 Sumus tamen Tonantis.
 Christi cruor nos irrigat,
 Vim Satanæ fugantis.
 Terris Adamus intulit,
 Christus necem sed abstulit:
 Sit laus DEo perennis!

VIII.

Ode Pœnitentialis
 tempore Belli.

Du Frieden Fürst HERR JESU Christ.

Metro Jambico dimetro acatalecto, &
 brachycatalecto, *item*: monometro
 acatalecto, & Anacreontico:
quadricolo.

1.

OCHRISTE JESU, præpotens,
 Et verè Homo-DEUS,
 Pacisque Dux, opem ferens
 Gratam gementibus!
 Nunc omnium
 Patrem, tuum
 Per nomen, invocamus.

2.

Periclitamur admodum
 Tot in tumultibus:
 Qui porrigat nec est manum
 Te præter, hinc bonus
 Patrem roges
 In supplices
 Ne sævus inychatur.

3. Mc-

3.

Memor maneto muneris,
 Pacisque Principem
 Cunctis agas & singulis,
 Misertus hanc vicem.

Quò postmodùm
 Verbum tuum

In pace prædicetur !

4.

Pœnas meremur has quidem,
 Ac sustinebimus :

Sed gratiâ Te divitem
 His anteponimus.

Ergo nefas

Clemens tegas

Nostrum, tuo favore !

5.

Mali genus miserrimum
 Est Pestilentia :

Sed omnium teterrimum
 Sunt bella tristia.

Hæc spernitur,

Nec cernitur,

Æquum quid aut iniquum.

6.

Lex quæque flocci penditur,
 Et castimonia :

Verbi tuique temnitur
 Obedientia.

Hinc nos juva,

Has & fuga

Tumultuationes !

7.

Reclude mentes omnium
 Vi Spiritûs tui,

Nascatur ob ludibrium

Ne quid periculi !

Nam

Nam solus es
 Tu, qui potes
 Hæc cuncta comparare.

IX.

PRO Εὐθανασίᾳ.

Was mein Gott will, das gescheh allzeit.

Metro Jambico dimetro, & mono-
 metro acatalectis, & Anacreontico :
tricolo.

1.

Flat DEus quod destinat,
 Ejus valet voluntas :
 Hos namque promptus adjuvat
 Qui spes alunt profundas.
 Opem parat,
 Crucem levat :
 Solamen est & Orbis.
 Fidens DEO,
 Summo bono,
 Est tutus à periculis.

2.

DEus mihi fiducia,
 Spes, vita, portus audit ;
 Decreta cujus seria
 Mens obsequenter haurit.
 Verbò patet :
 Notos habet
 Meosque scit capillos.
 Nos protegit,
 Ac dirigit,
 Et servat universos.

3. Sed

3.

Sed quando jam, per aspera,
Ad astra comincabo,
Quum fert DEI sententia,
Nullus recalcitrabo.

Ipsi meum
Hunc Spiritum
Dicabo transiturus.

O mi DEUS,
Mors, & seclum,
Tibi subest & Orcus:

4.

Adhuc precabor unicum,
Quod, spero, non negabis.
Quum nempe Dæmonis dolum
Sentisco, tutor adsis!

Meque adjuva,
Malum veta,
Sanctum sit usque Nomen:
Quod qui colit
Non interit.
His addo lætus AMEN!

X.

In agone & luctâ mortis.

Freu dich sehr, ô meine Seele.

Metro ut suprâ Dec. IV. 5.

1.

Mens triumphando triumphat,
Mœror omnis desinat!
Hâc enim te CHRISTUS horâ
Valle mundi sevocat.
Lætior per tristia
Ibis hinc ad prospera,

Quæ

Quæ nec auris hausit unquam,
Suntque desitura nunquam.

2.

Perdus pernoxque clamo,
Et levo manum meam,
Ut DEUS me fortis hamo
Abstrahat, per gratiam.
Ceu Viator anxie
Terminum quærit viæ,
Sic ego jam nunc anhelò,
Hinc & emigrare tento.

3.

Nam velut spinæ Rosarum
Inferuntur floribus,
Sic piorum grex, malarum
Cincta rerum casibus,
Vivit: inconstantia
Nec maris tam cognita,
Tantus est nec motus auræ,
Quanta nostræ cura vitæ.

4.

Mundus, & Dæmon, & Orcus,
Culpa, Sanguis, & Caro,
More nostros sæpe sensus
Inquietant pessimo,
Angor inter cetera:
Vita nostra crux mera.
Nascimur quàm mox, habemus
Quos dolores sentiamus.

5.

Quum redux aurora surgit,
Terminatur & sopor,
Cura multiplex redibit,
Et die totâ labor.
Lacrimosus est cibus,
Vescimur quò crebrius.

Sub-

Subtrahit quum Sol nitorem,
Nil manet præter dolorem.

6.

Obsecro proinde, CHriste,
Sempiternæ Phosphore,
Te mihi iuvando siste,
Qvi tuo sum sanguine
Emitus, & lætissimè
Da mihi discedere.
Tu simul sis umbra, luxque,
Aura, callis, spes, Salusque.

7.

Fac latus tuum patere,
Hinc tuas ut mox queam
Per cicatrices abire
In beatam patriam!
Ad vireta cœlica,
Quò Latronis mens pia
Evolavit, me vocato:
Claritate recreato!

8.

Non licebit quum videre,
Visque cessat aurium;
Lingva cogitur silere,
Organumque sensuum
Deficit, tu lux mea,
Vita, porta, semita,
Es tamen, Ductorque, lucem
Ergo me duc ad perennem.

9.

Spiritus curru vehatur
Eliam qui sustulit:
Et ab Angelis feratur
Lazarus quò transit!
In sinu cubet tuo,
Delibutus gaudio.

Cor-

Corpus hoc dum susciteretur,
Cumqve eo redintegretur.

10.

Mens triumphando triumphat,
Jubilando jubila!
Hâc enim te CHRISTUS horâ
Trans poli fert sidera.
Illius præsentiam,
Et videbis gloriam:
Cum beatis jubilabis
Semper, & Victrix orabis.

*FINIS DEC. X.
ET ULTIMÆ.*



Anne-

Annectuntur
D I M E N S I O N E S
M E T R O R U M

quæ in his Hymnis usurpantur.

In gratiam & usum eorum, quibus fortè Genera Carminum Lyricorum & Canticorum nota non sunt. Rei enim ignota, aut non satis intellecta, nulla cupido.

NOTANDUM verò

(1) *Monometrum*, sive *Binarium* vocari, quod unam habet mensuram, i. e. duos simplices pedes, quibus interdum dimidius pes accedit, fitque pentasyllabum, & à tribus regionibus *ternarium*. Sed rarò occurrit.

Dimetrum, Latinis *quaternarium*, dici, quod quatuor pedes, sed duas mensuras habet.

Trimetrum sive *Senarium*, quod tres habet mensuras, sed pedes sex. Quumq; syllaba una in fine deest, fit *quinarium*; si superest *septenarium*.

Et sic porrò *Tetrametrum*, sive *Octonarium*.

Hexametrum autem, tantùm à numero pedum vel regionum nomen adeptum est.

(2) Si

(2) Si versus aliquis, e. g. Metri Jambici vel Trochaici *dimetri*, sex syllabis, vel potius tribus pedibus simplicibus constat, eum *Brachycatalectum*, Latinè *mutilum*, quia totus pes in fine desideratur; si septem syllabis, vel pedibus tribus cum dimidio, *Catalectum*, Latinè *semimutilum*, quia una syllaba tantum deest ad pedis quarti perfectionem; si quatuor integris pedibus, vel totidem regionibus, *Acatalectum*, Latinè *perfectum*, ubi nihil deest nec superest; quumque nona syllaba, vel pes dimidius adhuc accesserit, *Hypercatalectum*, Latinè *exsuperantem*, quia post quatuor modò dictos pedes una syllaba superest, nominari. Quod ipsum quoque in *monometro*, *trimetro*, & *tetrametro* accidit.

I.

JAMBICUM *Dimetrum*
brachycatalectum.

1.	2.	3.
- -	v -	v -
v -		

Exempl. Svavissimo meo.

Dec. I. 5.

II. Idem

II.

Idem dimetrum

catalectum.

sive

ANACREONTICUM.

1.	2.	3.	4.
- -	v -	v -	-
v -			
v v -			

CHRISTUS necis severæ. *Dec. I. 4.*
 Malè conscius requiro. *Dec. II. 4.*
v. 2. lin. 5. & 6.

III.

Idem dimetrum

acatalectum.

1.	2.	3.	4.	5.
- -	v -	- -	v -	v -
v -	v v v	v -	v v	v v
v v -		v v -		

DESCENDO summâ siderum. *Dec. I. 2.*

IV.

Idem dimetrum

hypercatalectum.

1.	2.	3.	4.	5.	6.
- -	v -	- -	v -	-	-
v -		v -			

QUISQVIS DEO confidit, omnes. *Dec. I. 6.*

V.

Idem monometrum

acatalectum.

1.	2.
- -	v -
v -	

O maximum. *Dec. IX. 5.*

VI. Idem

VI.

Idem monometrum
hypercatalectum.

1.	2.	3.
v -	v -	-
- -		

Resuscitatus.

Dec. III. 2. v. 1. lin. 3.

VII.

TROCHAICUM Dimetrum
brachycatalectum.

1.	2.	3.
- v	- v	- v

Mortis ipse victor.

Dec. III. 2. v. 1. lin. 2.

VIII.

Idem dimetrum
catalectum.

1.	2.	3.	4.
- v	- v	- v	-
	- -		

Dum sumus superstites.

Dec. II. 10.

IX.

Idem dimetrum
acatalectum.

1.	2.	3.	4.
- v	- v	- v	- -
	- -		

Adjuvate me supremi.

Dec. I. 1.

Idem

I

X. Idem

X.

Idem monometrum
acatalectum.

1. | 2.
- v | - -

Et manere. *Dec. X. 3. v. 1. liu. 7.*

XI.

Idem tetrametrum
catalectum.

1. | 2. | 3. | 4. | 5.
- v | - v | - - | - v | - v
- - | - - | - - | - - | - -

Corde natus ex Parentis, ante

6. | 7. | 8.
- - | - v | -
v - | - - | -

mundi exordium. *Dec. VIII. 5.*

XII.

CHORIAMBICUM
Asclepiadéum.

1. | 2. | 3. | 4.
- - | - v v - | - v v - | v -

Festum nunc celebre magnaque
gaudia. *Dec. VII. 4.*

∞ ∞ ∞

E J U S D E M
alia dimensio,

propter casuram.

1. | 2. | 3.
- - | - v v | -

Compellunt animos,

4. | 5.
- v v | - v v

carmina promere, *Ibid.*

XIII. Idem

XIII.

Idem Glyconicum,

dimetrum brachycatalectum.

Tribus Asclepiadæis plerumque subijcitur.

1.		2.		3.
- -		- v v -		v -

Cœlorum pius Arbitr.

Dec. VII. 4. v. 1. lin. 4.

XIV.

SAPPHICUM

Hendecasyllabum.

1.		2.		3.		4.		5.
- v		- -		- v v		- v		- - - v

Quæ fuit, JESU bone, tam severi.

Dec. I. 3.


EJUSDEM

alia dimensio,

propter cæsuram.

1.		2.		3.		4.		5.		6.
- v		- -		-		v v -		v -		-

Causa decreti, tibi culpa qvalis. *Ibid.*

XV.

'ADONICUM bipedale,

tribus Sapphicis semper subiectum.

1.		2.
- v v		- -

Quid meruisti? *Ibid.*

I 2

XVI. PHA.

XVI.

PHALEUCIUM

Hendecasyllabum.

1.	2.	3.	4.	5.
-	- v v	- v	- v	-
-	v			-
v	-			-
v	v			-

Tot laudes tibi debitas quis aptā.

Dec. II. 8.

XVII.

ANAPÆSTICUM

*Partheniacum,**dimetrum catalectum.*

1.	2.	3.	4.
-	v v -	v v -	-
v	-	-	-
v	-	-	-

Jam mœsta quiesce querela,
Lacrimas suspendite matres.*Dec. VI. 10.*Est propriè posterior *Hexametro*
Herosci particula.

XVIII.

ELEGIACUM.

Ut notissimum omnium, sic usitatissi-
mum, & dicolon est,subjiciendo *Hexametro Pentametrum*
dactylicum.Ut supra in ORAT. DOMINICA,
post *Dec. II. pag. 39.*

NO-

∞ ∞ ∞

NOTANDUM quoque

(3) Metrum vel Carmen, quod unâ tantum formâ constat, *Monocolon*: quod duabus, *i. e.* quum duo miscentur genera, *dicolon*: quod tribus, *tricolon*, &c. quodque pluribus *polycolon* appellari.

(4) à numero versuum vel linearum, aliud *distrophon*; vel *distichon*, ut in Elegiacis, & Distichis *Catonis* hexametris; aliud *tristrophon*, vel *tristichon*; aliud *tetraphon*, ut in Sapphicis & Choriambicis: item *hexastrophon*, ut supra *Dec. I. 5.* & *heptastrophon*, ut *Dec. I. 1.* &c. vocari.

(5) Cæsuram *trithemimerim* esse, quum post primum pedem syllaba tertia, vel si *Dactylus* adest, remanens, pedis sequentis est initium. Talis supra *Dec. II. 8.* & *Dec. V. 7.* occurrit. Sed Latine exprimi nequit. Sin post duos pedes integros syllaba relinquitur, ut: *Arma Virumque canam*, est *Penthemimeris*, quum post tres, *Hepthemimeris*, &c.

(6) Sonum æqualem in fine versuum *rhythmus* nuncupari.

Denique (7) Metrum *Circulari* dici, cujus finis idem est cum principio, *vel*: quod eodem semper finit versu, & est Epanalepticos species. *E. g. Dec. II. 6.*
item: *Dec. VIII.*

4. & 5.

F I N I S.



EMENDANDA.

IN Dedicat. *Pag. 2. post lin. 4. inseratur:*
 ET EMENDATAS,

In Præfat. *pag. 4. lin. 4. à fine,*
(lege: percurrissem,

In *Ind. Lat. Dec. VII. 7. lege:*
 Æternæ, gratias tibi

Pag. 2. lin. 16. lege:
 Ille nos & liberavit

Pag. 31. lin. 7. lege:
 Adsintque temporì

Pag. 46. §. VI. v. 1. & 2. ab init. lege:
 Huc ades, loco: Præsto sis,

Quod etiam in Ind. Germ. sub Hymno
Gott der Vater wohn uns bey,
 & in *Ind. Lat. præced. suo loco*
emendandum.

Pag. 52. lin. 3. à fine, lege:
 Lampada fume:

Pag. 55. lin. 12. & 13. lege:
 — DEUS æquitatis,
 Dux mihi lumen,

Pag. 62. §. VI. in tit. post lin. primam,
inserantur hæc verba Germanica:
Ein feste Burg ist unser Gott.

Pag. 148. v. 7. lin. 2. lege:
 Qvī famem. —

Dec. I. 1. in tit. lege, & insere:
 dimetro acatalecto: *dicolo.*

Dec. I. 2. in tit. lege, & insere:
 dimetro acatalecto: *monocolo.*

Dec. IV. 6. in tit. loco supercatalecto, lege:
 hypercatalecto: *tricolo.*

Dec. V. 4. in tit. lege, & insere:
 passim neglectis.

Dec. V. 8. in tit. insere, & lege:
 passim quantitatibus.

Dec. VIII.

Dec. VIII. 6. post v. 2. *insere :*

5.

Mulieres ad tumulum,

Hale, Haleluja!

Portaverunt aromata.

Hale, Haleluja!

Et *corrige* numeros versuum *sqq.* 4. 5. 6. 7.

Quantitates quædam
SYLLABARUM,

fortè rhythmorum causâ neglectæ,

pro lubitu aut retineri, aut emendari
possunt, ut sequitur:

Pag. 4. §. II. v. 1. lin. 4. *lege:*
Nova sciatis cetera.

Pag. 7. v. 5. lin. 1. *lege:*
Pro malis, cheu! —

Pag. 8. v. 14. lin. 2. *lege:*
— facilem repulsam,

Pag. 10. v. 6. lin. 1. *lege:*
Hoc illud, euge! festum,

Ibid. §. V. lin. ult. *lege:*
Is explicare —

Pag. 18. v. 2. lin. 4. *lege:*
— ne denegæ.

Ibid. v. 4. lin. 4. *lege:*
Adesto, sis, periculis.

Pag. 21. lin. ult. *lege:*
Genti levamen adsis.

Pag. 26. v. 2. lin. 6. *item:*

Pag. 27. §. IV. v. 1. lin. 3.

Pag. 46. §. VI. v. 1. lin. 3.

loco criminibus *lege:* erroribus

Pag. 28. v. 4. lin. 6. *lege:*

Mersos & esse totos.

Pag. 30. v. 2. lin. 4. *lege:*

Et ordo quod laborum

Pag. 38.

Pag. 38. v. 1. lin. 6. lege:

Erroribus tamen pudeat

Pag. 42. v. 9. lin. 1. lege:

— ne fallito,

Pag. 49. v. 1. lin. 2. lege:

Si quando nosmet cernimus,

6.7.

Ibid. v. 5. lin. 3. & 4. lege:

Adversitates, plurimis

Obnoxii —

Pag. 55. v. 6. lin. 2. lege:

— volo visitare,

Pag. 64. v. 2. lin. 7. & 8. lege:

Peccata nostra comprimens

Auctoritate Verbi,

dari

Pag. 65. v. 3. lin. 1. lege:

Qui tuis parcit vitiiis, & ægros

Pag. 66. v. 15. lin. 2. lege:

Sanctus æternum —

Pag. 68. v. 3. lin. 2. lege:

Ut ales impedita,

Pag. 72. v. 3. lin. 3. lege:

— ubi JEHOVA!

Pag. 80. v. 7. lin. 4. lege:

Semper atque prædicetur.

Ibid. v. 2. lin. 2. & pag. 24. v. 13. lin. 3. lege:

— brabeon, & brabcum.

Pag. 128. lin. 13. post velit, insere:

pro tribus syllabis brevibus aſi-
quid, c. g.

Pag. 133. v. 3. lin. 5. & 6. lege:

— dexterâ

Sua dona seminavit,



Reliqua si quæ occurrunt errata, B. L. pro
suâ humanitate, aut excusabit,
aut corriget.



W 9

23 465

AB 23460

ULB Halle

3


007 533 87X




mmn | B ! M

R







HYMNOLOGIA
SACRA.
Sive
DECADES OCTO
HYMNO-
RUM,

Quarum
Quatuor priorum
plerosque
Melodiâ & Rhythmo
conformi
GERMANICIS

Latinos fecit:
Reliquas quatuor Decades
collegit,
& partim recensuit

JACOBUS HENRICUS
PAULLI, SIM. F.

HAENIA, A. O. R. MDCXCIIX.
Typis VIDUÆ Joh. Phil. Bockenhoffer.
Prostat apud JOH. JUST. ERYTRO-
PHY LUM.